


GP
335
412



三藏經本

夏明陽宣

清真厚

八十種經本


相與須

凡千三百

給張因永歡

上頂佛心

[Large blacked-out redacted area on the left side of the page]



CR
335
H78

新刻大直汪舜儀計訂補仙鑑二集卷之十二

包山珠樓秘本

江夏明陽宣史徐衡述

汝南清真覺姑李理贊

○○○會祇園闡明劫運○○○得真種立就還丹

惟祇陀太子園廣八十頃林木鬱茂可居因白太子戲曰
滿以金布便以相與須達多出金布徧太子笑而捨之即
以金建精舍凡千三百區為佛說法處又常給施孤獨亦
曰給孤園眾歡喜瞻玩見墻東散處十人各有三面面有
三目皆頭上頂佛以虎皮為衣髑髏為冠髮髻豎立眾怪
之白澤解曰此十大忿怒明王也

曰鬚髮得迦無能勝鉢
訥髮得迦尾觀難得迦

弗且傳登卷十二第一節

華藏

十大分
怒明王

不勤尊吒楊你羅難拳大如來揅以應供諸真者咸點頭
力送婆嚩日羅播多羅

讚歎步至毘羅殿釋迦邀請入廣太上曰向在五老處每

舍揅

叨首座老佛與我素有因緣元君今當上坐五老不能辭

以次三清上帝諸真主席是過去未來現在三世諸佛西

方四老南土三大士燃燈釋迦及諸弟子等依序坐定揭

諦捧肴果羅列斟醍醐甘露上獻羣真飲之曰香勝天漿

味逾沆瀣真佳品也釋迦謙言無以為敬諸天尊有未識

過去諸佛西方四老者拱手啟問燃燈曰古佛虛無香難

窺測僅知有勝觀者維衛毘婆尸也寶髻者剎那尸棄也

一切自在者毘舍浮也所有應斷者俱留孫也金光寂默

尸棄

毘舍浮

俱留孫

拘那含

迦葉

白牛

者拘那含牟尼也。身飲光者迦葉也。琉璃光本願深能爲
世延壽消災。所乘白牛有乳。興北海石頭之魚。凡此丘有
難往。告即與之食。是爲阿迦雲藥師佛身如金色。相好光
明。度衆生以四十八願。化菩薩以衆億無邊。每於冬至後
二日。化度下方。是爲清靜無量壽。接引大師阿彌陀佛心。
惟慈悲廣垂加護。嘗變現法身三頭十八臂。一名蘇悉帝。
是爲大準提。發喜捨心。施威猛力。十方護法。隨處感通。是
爲摩訶那鉢大勢至也。三大士者。皆當稱佛。爲其誓願弘
深。度盡世間衆生。若難方證佛號。子甚羨之。羣真瞻仰。未
週。忽有無數天女。散花續紛。五彩香氣氤氳。滿座沾衣點

△提婆女

席累積如捆，衆問雨花之故。釋迦曰：兜率天雨摩尼寶珠，護世城雨美膳，阿修羅天雨兵仗，閻浮是世界雨清淨之水。比諸天各雨所宜也。如君政治，則軒轅之精，降爲甘露。說法善，則提婆女爲之雨花。赤松魯般出席曰：當借花獻佛。以博一粲。般向外招飛來檻，至前如床四柱，雲錦爲幙，周列畫檻矮欄，中設几案玩具，車輪關鍵，飛車相似。赤松解壺置內，頃刻抽條吐蕊，滿開優曇花色，香無異。每花有數寸，仙女霓裳雲髻，歌舞奏樂，滿座稱妙。米君楚然曰：敢忘華土衆生之蒙憐也。釋迦合掌曰：正叩請援引。太乙曰：老佛慈悲，必能解脫。釋迦曰：吾教化度頑兜，至於却連轉。

漢明匈奴
美 魏鮮卑氏

晉趙
齊梁陳

隋伏案

蘇連夏北
元魏高齊
宇文周伏

旋還仗天尊道力。元始曰：下方氣運偏駁，北五龍將終，南五龍復出，五胡交侵，即齊晉秦楚宋五霸之餘烈也。與東晉偕終，其間尚有十四紀，不能混一，當求道君判示老君曰：蜀為晉滅，劉曜已洩其忿，漢高之弟交子孫當翦殘晉而繼之。蕭曹夏侯同為漢佐，而參嬰後為魏，已食其報，何之功大？其後將代劉宋而興者，再太丘陳弘農楊皆有世德，宜君南北。天數離極當合，必生一人為真主，先驅吾於東海。選一有功矯龍投寄空門，降伏暴性，而後托生德門為帝子。至如項羽壯氣未銷，子嬰怨憤不解，並乘胡運而主於北。韓彭同功受戮，當繼嬰後立國於東西，當時共事

唐伏案

伊社傳略 卷十二

者許各隨主為輔五運既終烟塵靖掃非紫微不能勝任

向玉帝拱手曰凡此皆聽勅旨行之玉帝曰星主下界室

可降生凡族借道君金堂之趣語裔庶為有本老若曰如此將

為帝王之祖矣時大撓鬬苞伏袁李請命願助紫微立功太乙許

可玉晨曰伊周經營二十載伏李靖當復降為蜀帥以酬其勲美

維繫天水龍子令其開國功成然後歸真可也應元謂寒

衰王冰曰醫自岐伯後雖代有傳人二子當再為表彰寒

王領命浮丘薦彌衡秉正俊才可代修文郎顏子卜子之

任玉帝允之命顏卜原歸素王位下水精至聖曰斯時文

教大衰無以開來繼往回也道體渾全安居不出商也少

有未逮可仍托迹魏地伏五興行吾道由也每欲輔世亦宜相

時而降以行爾志伏韓混二子唯唯鬼谷門下孫子已厭世味蘇

張以未得輔正龐子以兩遭箭殞今聞統歸正運俱欲乘

時以償夙願○鬼谷謂曰尚有魔君混世勿復蹈轍棲身匪

主○二子拜謝釋迦曰諸天尊主分因果不漏既五代尚伐

一人子命一弟子託生蕭氏以應其運再令諸弟子直入

中國振飭沙門也齊稱善哉黃老曰後會非遙可以行矣

水公向諸真訂期曰度朔山桃將熟敢屈法輿衆謝別出

園駕輦天下將吏擁登雲路失林韓老君至河上尋蹤楊墨令其

建功補過太乙留宛丘至峨嵋浮丘欲晤王君投南徐去

勤有功

廖扶

赤魯坐撫回山集同志賞樂尹真人辭家發憤行度莊夫
人潛修日久亦願代天闡化立教佐功俄有仙吏降言帝
命曰洪誓可嘉神民幸甚浼代為地皇之任凡仙凡功罪
憑五嶽奏其事地后統其權一應劫數氣運悉許乘除判
算上聞定案每於除夕條析施行夫人惶恐受命夫婦努
力下山葛洪自携妻孥赴任薄賦息訟出遊勾漏山在其
下其巖穴皆有有三洞一曰玉虛一曰白沙一名勾漏所產
丹砂尤佳洪安丹竈於洞採砂試煉外丹驗之果勝聞始
安廖扶者漢時村陽廖仲之後遵老子之言絕志世外號北郭先生
家有丹井一族數百口飲之多壽無病洪狂訪謂之曰昔

鴻臚公

已初牙

肉翅虎

一舟子

余上祖鴻臚公會為臨沅。今有民家皂壽考或百歲後徙他處。子孫遂多夭折。疑即此乎。扶曰：族叔祖平以砂三十斛。真所居井中飲以祈壽。名丹砂井。泉亦如絳。尚在武陵。非若此之清濁中分也。洪以金易水數斗。至懷集縣花石洞采砂。覓金鵝。蓋諸物合服之。有丹竈中鑄。抱朴二字。聞石袍山多竹木。有肉翅虎為患。洪曰：天生齒角者不與其翼。虎而翼。曷能制之。因出丹化諸獸布地。虎飛下爭食。翼皆蛻去。至金石山問土人山名何義。曰：東吳時有道士牽牛求葢。既渡至南岸。謠舟子曰：船內牛渡。聊以為謝。舟人謂其戲已。怒詈之。俯視所遺皆金大駭。翹望道士跨牛慢行。舟子跳

二鄧嶽

四仙蝶

傳世傳名一二

華藏

叫緊追見其摩壁騰空手所捫抓皆成之字遠莫能辨
 名金石洪遙瞻石壁有字禁附上譯古文是祖孫會於虎
 林山下孝先示十一字洪大喜即歸縣結裝過海見廣州
 刺史鄧嶽解職歸嶽素好道乃曰君侯將棄我以爲不
 可教乎必欲遠去嶽棄微職相隨洪不可遽却聞博羅名
 勝求於此遊嶽即建蓬萊閣於羅浮延居之羅山浮山相合故名高下
 千六百丈周三百餘里嶺十五峰四百三十洞八大小
 石樓二登可望海璇房瑤宮七十二所有仙蝶翅如蒲筴
 五彩如繡第三十一峰巔巔多巨竹大數年前有真人羅
 七八開節長丈二葉似芭蕉名龍慈竹
 秀字致福黃梅人修道於鳳臺觀日久丹成於觀後冰塘洗足一
 老人云某龍也有病願求療秀賜丹而愈既入羅山修煉

內外要訣

張道陵乘鶴降教相與遊酆陽三阜

樂平仙在山西飛昇阜有靈鶴觀

於空衆得瞻望洪愛朱明洞幽深獨居默參內丹之旨長

生赤真君祇園會回鑒其心誠撥雲朗呼曰須得真種子

洪因凝神注想無刻不參一日有古貌道者偕宿洪知有

道氣即下拜求教道者云是葛仙公弟子鄭思遠師言後

代有學道者命我傳之遂宣妙旨曰丹經所喻皆繫微言

所云三九郎君二八姪女即父母也戊己黃婆即父母交

媾之媒也陰陽二氣相感相觸即先天之氣也我能聚此

氣於眉目之間結成黍珠吸而吞之即我後天中之真種

也採而溫養即水火修煉也全在修持得法則種子成胎

抱朴子

黃野人

洪抄金匱
方百卷附
後急要方
百卷

時足始產則元神可出化腐爲神而屍可解也洪喜躍拜
謝思遠曰道成可速往會仙公鄭別去洪出囊中黃白脩
辦鼎器藥物修合玄機依時採取吸真種歸於丹田由火
候結就靈胎九九功成嬰兒出現可以隨心出入應變無
窮矣洪拜謝天地祖師自號抱朴子優游安隱著書不輟
常臨水會鄧嶽嶽作浮橋以濟或入山奉候洪意贈其丹
爲不遑寧處故未與之有黃姓人長身大力寒暑無衣木
葉爲裳遍體紺毛近寸洪在洞煉丹時來隨侍洪呼爲野
人喜其馴謹錄爲弟子服役如奴隸嘗有巨石橫架羅浮
兩峯之間以通往來鐵板橋鮑公北來會洪言爲蘇峻亂屍

宋後伏案

解至此洪述所歷諸事公稱賀聞瞿光尚在勾漏往授以
道頓悟玄理能飛身脫迹隨父至山會洪相勉期躋大道
鮑公每來達曙乃還衆訝其數數不見車馬之跡告知鄧
嶽嶽夜潛至閤下聽其講論玄微俟至朝曦射窻則語聲
聞寂上樓揭帳見洪僵卧嶽驚呼從人一日昨命覆公云
九九數足當終在七百年後會於雙江合流處鄧命殮葬
昇屍入棺貌若平生輕如蟬蛻建冲虛觀於塚旁起遺履
軒於閤後招道流居守初有人密伺鮑公唯見雙燕飛至
張網得二紫履向曉失去傍晚雙
燕復鮑葛約潛光會於武昌翁壻由營陽桂陽臨蒸衡山
過歙江鎮見山靈水秀留數日洗藥於池洪說頌曰

洞陰冷冷風佩清清仙房永刳花木長榮

其後此地花木四時不凋謝復至安城郡界一山跨乎都

萍鄉輒盤八百餘里尋問士人云近有武氏者得道於此

稱武公山一峰曰王女聞昔有女子修道峰上因名天將

武公

雨則五色雲起一日葛仙峰相傳葛立煉丹處洪叩其由

金女

曰問宜陽西山中婁陽或知常遊息其間與異人交接洪

尋至一虛朗石室中有不鐘石鼓折木扣之聲如金鑄了

髻童子出問何為答以來訪婁翁童子曰此桃源洞也婁真

在西洞洪西行果見一道者即入洞具述來故婁遜坐曰

陽學於鄭法師陽與君世兄弟也欲留飲洪辭以岳翁久

引出婁

世指出桃源

待同至武公拜見齊步至方阜陽曰仙公壇場壇北有雷
崖凡數十洞皆藏書處又指一鐫石曰小桃源有仙杏二
株是公手植花實異向洪撫摩歎曰仙公果在虎林否陽
曰嘗於閭皂修煉近因伏味豫章蛟蜃爲害必暫避東南鮑葛
與陽重訂會期北至武昌口家眷正從勾漏來夫人忽病
篤臨終囑子姪曰汝回丹陽相依二舅諸子扶柩東歸輕
如無物附葬石子岡蓋夫人見父壻至故假示終與父僞
寓鍾臺山桃花洞洪期會見祖仙公復來聚首經旬容舊
廬渡具區南登吳興之山以望越見一溪澄映問於山翁
曰其水清澈餘溪則不故名餘不近曰孔侯川因山陰孔

孔愉

愉字敬得，一白龜放此溪左顧數四而逝。後討華嚴有功。

白龜

封餘不亭侯，鑄印而紐龜左顧。愉年九旬而終。洪曰：此好

華軼

生之報也。至錢塘遠眺羣峰，屏列先是咸和七年，山水驟

發，湧進錢塘西門，有金色牛奔入水，退復隨出。至北山不

金華將軍

見衆立金華將軍廟祀之。門名湧金。當時高僧慧理募金

慧理

建寺，名金牛。咸康初，西僧渾壽羅雲遊至金牛寺，禮佛見

渾壽羅

山門對巉巖幽澗，瞪目曰：靈鷲前小嶺忽不見，却飛至此。

千歲翁

衆不信。羅日記有白猿試呼爲驗。向洞口曰：千歲翁，故人

來，何不出會？白猿躍出，如泣訴狀。羅謂衆曰：此翁修養有

年，心靈性慧，常與我遊戲，爲犯佛律，連峰徙來，然限滿終

歸羅下山復飛上松稱目送慧理每以果品遺列洞口恐
峰還復飛去令搗諦於峭壁四圍鑿世尊羅漢像鎮壓之

一夜而成真是神工鬼斧因改寺曰靈隱此寺曰飛來亦名蓮花洞曰呼猿

白額虎伏檻下聽

講命數徒尾件見入焉中因自策杖躡跡一翁危坐石室

虎躡膝下問是葛公結世外交時來寺晤言洪况一僧引

至塢口翁笑而出曰孫來何暮洪拜見相携入室公曰爲

得汝來延我宗派遂出諸秘及清靜經流珠歌授之洪拜

受曰遇婁道友云公避蛟患來此公曰陽不知耳孽蛟爲

禍江右黨類甚多與吳許有約分投除勦

同心助道協力擒邪

會中諸人前後照應針鋒相對讀者須翻前集對闍始知至於雲華之人中國確有因緣非借爲點綴也諸上真體用自然固不足言其下無不以還丹度世者獨至抱朴欲彘真種子非創也而特以此發明耳許嵩至而于頃花香壽應即非許由再世亦是成仙之兆讀者不必拘泥葛許既得道而猶以禮斗爲事此學道者又安可不致敬夫此斗乎義之爲字法之宗書仙也換鳴經遂傳千古繁陽法萬餘世晉史證仙隋宜也然原其所自蔡真人常加仙秩五胡亂華自古衆有之力鈞圖澄欲以佛法救之却求也釋迦必請天尊理之得其本矣蓋治世之權固不在乎彼耳帝上治世以法律令刑政之屬上天治世以劫水火兵亦飢災是也如真經者惟務以姑息不治則必殺奪自由何以爲世界乎佛玉號經樂究竟何義善知識宣言曰以無八苦十惡道也阿羅漢殺除煩惱遠離諸惡堪總供養不受三界轉生故得傍如來親炙妙道

○○賞雲華細述根源

○○勒妖蛟廣施法力

我錢錢唐恐其南行入海吳君守豫章以全境上許君率
諸徒游擊妖孽可絕矣洪曰孫桑弱不堪相助意暫離膝
下濟世之有緣者公命暫留日遊諸峯喜新成溪水憨碧
欲作牧苦丹物偶至風篁嶺乃立鼎取水合煉收時壺中
遇病者滴舌立起慧理知洪孤高行踪無定乞題寺額洪
書曰絕勝覺場遊餘杭山遇一道士是同鄉許邁叙談知
洪有道邀遊棲真歸雲諸洞邁曰郭景純謂僕可得霞舉
雖未敢過望然求道之志不能已但不忍違親遠去前歲
二親繼亡聞大滌清幽近延陵之茅山是洞屢西門晉通

五嶽於是家事付妻子改字遠遊來棲此山時節必歸
祭祀道長幸念故鄉清分得傳微理深感仁慈矣洪不悻
遂授內外丹肯歸告仙公公曰高士許由來隱西之千頃
山上有龍潭廣數百畝產金銀魚鱉雨多應又植娑羅樹
一株於山側初夏花開香聞十里五十年來花香不遠祈
求無應近因許邁來忽復香遠禱應是以知由轉世泥
族物爲當代仙長其宗族何憂不證真道授以旨要誠爲
不安洪欲與邁南遊諸名山仙公曰如此當於旬客待子
洪邁去遊四明山至麗水南明峯盤谷中有石梁跨壑入
石穴下不見日月名合掌巖上有高陽洞洪書靈臺二

字刻於壁既至章安登臨採賞殆遍洪曰凡學仙者當開
生門閉死戶北辰爲天樞衆星所拱向子既作丹延生宜
先處誠懷斗是夜萬籟無聲星輝月朗同步天台直上金
庭洞天深處向空禮拜清曉方止如此七日後名括蒼洞中有禮斗壇
復東渡赤欄橋至寧海觀東海尾間其水湍急陷爲大渦
者十餘處浮物近之則獨洪曰較勝澄溪中物得以爲煉
更爲靈動乃作長竿吸筒取水三斗出諸藥物謂邁曰雖
閱丹經猶未識火候且先試外丹爲子目之立丹竈於高
處配合陰陽調和水火煉至七七日始成寧海有舟丘洪令邁
回大滌守真抱一已獨散遊南越至樂安隱真宮蔡經初遇王君

來此洪聞方平常往來羅浮括蒼往問土人言東羅浮在

閩中溫麻之南相傳浮海而至故亦名之左近一高山洞

內有石屏石凡石碁局皆渾然天成上有篆文無數洪留

居數日北有山如龍首西麓有泉甘冽傾丹浴之後有人汲飲宿

病即起因復欲遊故處南至漳江梁山有峰十二中曰蓮

華登望西羅浮俯列於前當晚即至尋黃野人不得山下

章氏出答曰葛仙留丹於山洞柱石間野人得服為地行

仙與吾家主章昉交好出餘丹食之相約徃北追尋葛仙

矣洪念茫茫大地恐其走錯路頭急轉至豫章臨汝時大

旱聞有毛身道士祈雨登梅峰仰臥丘吹鐵笛呼風立至

洪招松間黃鸝乘之飛往俯視身雖有毛却非野人遂擬
鵲飛回毛仙跨鐵笛騰空叫曰誰從法雨中顧望洪回鵲

鵲毛仙作鵲引出野

與語知是漢時得道毛公公聞是葛立之孫欲留下峰頭

細談辭以爲尋黃野人公去野人前與一人至此華蓋山

世帶出王郭

紫雲洞尋問見王郭二真人因在新安東陽謁見令祖仙

公知道長消息已往東南矣洪不暇問王郭踪跡別毛公

飛至鐘臺山下鶴進謁龜公公曰野人欲來會子今在武

昌山中洪往呼之聞聲而至拜告所以謂過蘋花溪聞是

洪崖先生煉處見一老姥在彼求藥問之曰鮑姑也忽不

見復遇鮑公於山洞言師必來相會章助爲募建城靈秀

往閭皂之西山辟穀自修稱羅浮道人

後名章山

近有費長房

尋我問道直告以無學候我師子庶有得也今在汝南山

靜守

建昌有幸靈者立性至柔被辱無愠見人即先拜輒

自稱邑里皆號為癡父兄常使守稻有牛食稻靈見而

不驅待牛去乃整理其殘亂者父怒責之靈跪口夫萬物

生天地之間各得其意牛方食禾奈何驅之父愈怒曰即

如汝言復用理壞者何為靈曰此稻又得終其性矣是人

何如洪喟然歎曰聖

臍忤理渾全可以與之友矣遂

往尋見教其出家了道靈謝曰循理則道可了潔心則家

可居何自苦為洪愧服回謂野人曰九域所志名山三百

子洞中

年文侯

六十有天性入衡山之入桂峰第六桂也。上有石室孫吳時李老者隱此。稱洞中。我知其樸實。將所著諸書寄藏石室。脩具立微子往衡山索觀。精義自得也。野人欣然拜別。洪跨鵠欲尋長房。至下雋山少憩。恰遇長房同一人來遊。相問始知洪言。將避燕趙。長房願隨。曰。門人隴西牛文侯。性識穎拔。深於黃老。故喜而教之。願曰。姑守此修身施惠。後當應命。上昇文侯領命。耐久住世。後至一百餘年。始去。咸稱牛天師。洪言及華靈長房曰。吾師壺公曾言此人。乃忍辱仙人再世。至汝南長房下視磯上數人。內有相識者。空中呼之。衆驚異。以爲駕鶴昇仙。遂於磯上建黃鶴樓。紀其勝。後名磯。黃鶴。萬費至。

達磨

在名作

卷十一

按時妙

華藏

淮上經黃石山聞奏樂尋聲相訪蓋赤松大庭自天竺回
請焦先琴而左慈近處諸仙侶玩賞優鉢羅花飲樂二人
至問是孝先嫡孫盡公高弟相邀入席洪問此花何自得
來意曰松庭二翁從赴祇園會得此故邀共賞赤松曰祇
園只此一樹三千歲一花開時原非一處但尊崇佛道之
國皆有此樹吾觀西域菩提達磨得微妙法已成正果將
間化東南我故先移至此亦因緣適合耳琴高曰然則樂
部何來松曰此散花天女護送來花謝仍歸焦先曰清
談不飲恐負名花大庭曰幸是仙家醺醺若人世麴蘖觸
之即萎矣各暢飲而散葛費更欲北去忽兩條殺氣冲空

過文

伏案

苻堅
麻姑救之
也

秦

苻健
皇始

趙

石祗

晉以苻洪賢河北秦雍流民推洪為主姚弋仲遣子襄擊
洪故有此氣萬費逕跨鶴北至涿郡信都唐縣一山結茅
居之修合藥餌施濟活者萬數時蒲洪擊敗姚襄稱三秦
王因識文有艸付應王又以孫堅背有艸付字遂改姓苻
洪初獲趙將麻狄以為軍師狄置酒鴆洪歸而死子健因
狄狄家火焰突起焚盡後有見狄在燕之萬洪山辛亥春
健稱天王國號秦明年建石氏眾推祗為趙王改元魏冉
閏攻破襄國石氏降晉帝怒其祖父凶毒盡斬之燕王雋
聞魏滅趙來爭中原葛費曰燕魏兵戈相尋此非寧宇蓋
避於蜀招二鶴跨之飛去時人於其處建上清宮天風臺

永寧

晉趙叔後

仙在

卷十二

五

華

葛洪山在

二仙至金城山少憩山北茅屋數椽一人獨處

即問之曰冀壯也前遇隻目卜者言陸師隱金城始知爲

楚狂求其指示曰居此自有高人來教依言靜候二位真

吾師也洪爲其誠樸整語道要未幾欲東歸壯願隨行洪

曰子肉體跟蹤凡居此虛用煉已工夫自能復會誠曰求

仙者當以忠孝爲本不修德而務方術終不得長生也故

大惡則司命奪紀小過奪算不可不知壯領教送至宕渠

猶不忍回洪曰非欲捨子祖仙公言江南有蛟崇則會於

丹陽也遂履淪水而去壯回苦志自修野人至衡山天柱

洞叟即出書與讀讀畢復藏野人日來就讀夜宿於前峰

王哀

郭如

施岑

甘戟

偶思王郭二真居近徃尋不值而還王郭乃浮丘弟子皆
 翁獨居中華山峰王哀郭如投之翁摯歷遊東南至處陳
 言勝蹟王郭既得道還臨川登一山呼曰此絕似婺女金
 華但無白石為羊耳棲止未幾浮丘來新建華蓋山招王
 郭居紫玄洞建立道場演說玄理開覺愚迷時稱華蓋二
 仙居二十年而冲舉受恩者歛金錢構祠山頂三仙陰常
 往來大著靈迹士庶有災異疾疫趨禱立應近有蛟孽為
 害三仙亦願助力吳許二君抱養已久道法彌高聞江右
 每苦洪水許君矢志剪除別吳君引弟子施岑甘戟一作戰
 同生胡應等出山觀察形勢江水東注於海度妖事急必

鄧牛

胡應

從斯遁乃密佈鐵網於揚子江令鄧胡守北岸陸地暗設
 陷阱四圍符水鎮住料其不能北奔淮泗必南由震澤至
 錢塘得一道力宏深者伏於彼路則成擒矣真君令施甘
 駐江于自往東南訪友浚鎮要地至新安信安路過小廟
 廟神迎曰華蓋三仙令告仙君云在鄂渚相等助力擒妖
 真君喜曰高真也克當此任復招施甘同往初葛仙公弟
 子白仲都鄭思遠與傳先生遊雍涼回鄭再遊羅浮傳還
 舊處仲都獨傍建康結壇城西南山仙公念其心切食以靈丹
 教與新錄張大言同居蜀山後仲都白曰飛去名其山白都仙公是法律
 上仙專任斬妖縛魅知蛟精災害正有意殄滅遙見施甘

張大言

張鶴

謂曰：高語汝師，葛孝先結廬武林，當此一面，汝等盡力勦
盪。母黨後，遇化清風去。未幾，真君至，施甘述其言。昔淮瀆
有火龍，作祟，聞蘭公有諸法物，遂來曲阜，劫取為蘭所敗。
訴於四海龍君，遣兵相助。蘭公諭以邪正，龍兵退去。火龍
逃伏浮玉山下，時吐精沫於江。而溫嶠戲樵，靈犀燭照其怪狀，怒而為禍，殺嶠。
丹陽張鶴，性狡毒，教授廣陵。端陽解館歸，遇風覆舟，漂至
一處，餒甚。見有物赤色如拳，取食之，漸覺水趣。浮沉江中，
頭長二角，身生鱗甲。火龍招至窟，教諸幻術，認為已子。遂
成孽蛟，或作強良，劫奪商舟，涌決江河，流江于民婦。生四
子，皆能變化水族。畧有小術者，悉歸其部。黨類蕃衍，江窄

文賈玉

不能屯四海各有君長聞豫章循江可至欲攬與五湖相
通爲中海別老龍率衆西去分屯江湖中自化美少年至
長沙見使君賈玉賈愛其才妻以女生二子常以春夏之
交子然而出至秋乘巨艦重載而歸

蓋乘覆舟所獲也

時歸省察

羣黨路遇真君謁之稱姓慎禮貌勤恪應對敏給遽告退
真君謂弟子曰適來者非人即老蛟故來相試迹其所之
在郡城江濱化黃牛卧砂磧上真君剪紙化黑牛往前觸
鬬令其持劍潛候其鬬酣揮之施君劍中其左股奔至長
沙化人入賈家給玉云財貨爲盜所劫股且傷玉求醫療
治真君即爲醫士謁玉玉召壻懼不敢出真君至堂叱曰

蛟精速出就戮蛟計窮現原形飛去真君令抱其二子出
噴注水於向皆爲小蛟蜿蜒堂下命神兵取殺謂玉曰室
下深不踰尺皆洪波也可速徙玉遷高原其宅果陷爲淵
城邑幸無害出丹與賈文吞之吐黑沫無數得不變形真
君還豫章探其窟中追殺老蛟率四子諸妖力戰不勝真
君追至鄂渚路逢三老謂曰妖蛟潛前渚橋下真君知是
三仙領謝之飛上橋頭俯視一白驢伏橋旁叱之驚奔勅
吏兵誅之乃第二蛟子老蛟忿恨復率三子來戰真君執
雙劍佩二劍履水直前擲劍先斷其第四子老蛟背中一
劍而逃長蛟帶傷甘戰獲斬之三蛟遁入一寺見高僧大

大度

巨蛇

早有個替

社伯

佛社傳燈

卷十二

華藏

度靜坐化人形伏地乞救僧曰孽多如何救得曰只望和

尚為悲。走上臺化為黍大僧拾藏指甲誦經不輟少頃真

已歸正矣

君至寺妖氣寂然問僧不答又往前追時海昏之上緣有

巨蛇據山為穴吐氣成雲亘四十里人畜在其氣中俱被

吞吸真君步至蛇所仗劍布焉蛇懼入穴真君飛符召海

昏社伯驅之蛇始出穴蟻首高十餘丈目若火炬噴毒衝

天真君嘯命風雷呼指神兵攝伏乃飛步蹙其首施甘揮

其腹腹裂有小蛇出長數丈甘欲斬之真君留識曰彼未

為害不可妄誅今而後整一千二百九十年復為民害五

陵之內自有八百地仙出而誅之以吾壇前栢板掃地為

驗蛇

子遂得入江真君恐蛟俟隙攻潰邵城與甘施歸捕

三蛟跳出叩謝願皈依三寶大瘦集眾設齋摩頂受記曰

緣在南三蛟南行恰遇真君諸弟子擒住欲斬真君

止曰雖為惡種已改邪歸正可恕之為說謂曰逢仰而棲

遇葉而止三蛟叩首前至安成郡今表宜陽一山萬級壁

立問土人何名曰前葉村此是仰山悟曰真君教我也盤

膝坐崖下摘松栢為食惟苦遠汲於坐側掘一井勤修三

道為仰山一組老蛟至襄陽變秀士謁富翁史長者稱山東人欲

覓館積貲作歸計問何姓答云曾長者出對試之曾佩四

知魯邦賢士即應聲曰史肩一德對妙吏部天官長者延教二

泰山一祖

史長者

子才華日進年餘有三羽士造舘徒云後園浴水羽士曰
春初何能出浴徒曰師雖雨雪猶然真君慮蛟西道設鐵
環於南陽石柱山鎮之見妖氣籠罩襄陽踪跡至此門黏
一聯云趙氏孤兒切齒不忘屠岸賈伍家烈士鞭屍猶恨
楚平王真君顧二徒曰惡畜蓄性未改遂至池邊執劍砍
去老蛟聳逃真君飛逐饒爾入重淵看予施妙法

行道之人不識路逕者多矣焉得如葛仙者來喚之歸
正若幸靈天性而善是爲上知
優曇移來中國疑是赤松幻術此係達磨將人東土故
假手赤松彼此暗喻耳
此節曲折甚多接出斬蛟宛轉成章一絲不紊
小蛟一念轉頭遂成正果可見改行從善是大便宜事

○隱 陳山仙逢許邁

○占國運小召臣諫

今其戰關會吳君截住江流勿使老龍相合老蛟變爲花
蝶真君以紉扇撲擊又化小青魚潛遊澗中真君以叉亂
刺變野鶴卿霄真君掣彈飛打楚翅而下化大鱗來蟠伸
舌舐面真君任其纏繞暗解絲絲扣其項叱神吏從空
起使五仙童女戲劍於其旁令牽至豫章畫沙地作樹形
錄鐵灌地流凝爲樹又插劍於地立成大井繫蛟於鐵樹
根驅入井豎鐵樹鎮塞井口蛟哀求曰真君憐我使不見
天日者幾時真君曰此樹葉萌花開始放汝出役人於井
旁建旌陽
宮鎮壓一
云鐵樹宮
蛟之餘黨皆化爲人詭言曰僕家長安積世崇

善遠聞賢師有神劍願聞其功弟子語曰師劍指天天裂
指地地拆萬邪不敢當神聖之寶也蛟黨曰亦有不能傷
者乎戲之曰惟冬瓜胡盧耳以爲誠然盡化盧瓜浮泛滿
江真君以劍授施岑等令履水逐斬皆沉溺不斷當境土
地化別哥叫曰下擊上下錫上諸弟子會意劍鋒從水下
起皆截兩段血流滿江岑喜別哥志靈以手撮其頭勦至
石埭而止妖無噍類水患屏除

池州有
旌陽廟

真君復令甘施至

浮王老龍勢孤欲奔入海江口盡下鐵網鄧胡仗劍立岸
怒目審視北潛淮泗悞入陷穽被符水禁住甘施起至老
龍儘成攪蛻化狂風南走真君至聞之曰人絕也矣且請

老蛟則
老龍則
斷之有
變別

窟中妖種呼神將協同吏兵盡戮其部族老龍鱗甲脫去
化癩僧奔虎林投齋靈隱寺仙公至寺間談慧理送出忽
見癩僧暗喜曰孽畜數盡別歸取劍重趨客寮大喝邪魔
休走老龍急逃仙公追梟其首寺僧集問仙公曰孽龍也
吹正炁即變無甲龍形昇出焚化仙公飛步至丹陽遇許
君師徒彼此稱賀欲邀會吳君仙公曰前與小孫期會於
此俟遊趙蜀回同至故鄉視荒隴也許君辭去葛費別龔
壯頃刻飄至丹陽仙公曰子遊樂乎二仙細述前事公曰
外事雖已見聞已身還宜整理二仙唯唯公攜孫至祖塋
拜奠洪乘黃鶴徃武昌接鮑公與夫人擇居丹徒西南一

山名之曰黃鶴自於東首一靜處鑿井煉丹以候遐舉長

房就於曲阿西習書雷篆靈符常滌硯於地澗石悉爲墨

色

金壇有石墨池

民有疾災輒領符篆救治晉帝召入內廷問國

事長房曰大寶將歸於正衆莫之解即日辭還燕王雋乘

石冉之亂遣弟恪擊之冉閔迎戰被執雋罵曰奴才敢妄

稱天子閔睜目曰我一時英雄何不可作帝王雋怒使武

士將金鞭鞭三百猶未死令押去龍城遇逕山斬訖其山

張見

六七里草木悉枯死夏秋大旱雋驚恐立祠於其山脩太

牢祀之謚武悼大王是日下大雪魏太子智降晉乞師謝

尚令還傳國璽智與之尚護送至建康燕詐稱閔妻獻璽

武悼大王

再智

高祖帝

建元元

恪為大司馬姚弋仲病危謂諸子曰我死汝

幽首歸晉弋仲有四十二子五千襄為主率眾歸晉殷浩

元璽

忌其能至是詔浩伐燕襄邀擊收之浩憤卒自後大權歸

孟嘉

桓溫參軍孟嘉勸收三秦甲寅溫伐秦秦拒戰大敗溫進

王猛

屯灊水三輔皆降北海主猛

字景略孝子良四世孫

雋偉個儻常至

洛陽鬻畚有人貴買其畚而無值且言家在通猛隨至深

山一老父坐胡床左右十數人猛進見三拜之老父曰王

王佐先生

公何緣拜也既貧困盡往華陰見王佐先生乎十傍償其

畚值遣人送出猛問老父何人曰藁掌中嶽事葛君也送

者忽不身猛顧其地乃嵩高山始悟為嶽神稱已王公後

口苻雄

△秦主生

壽光

口張祚
和平

△何后

昇平

必有遇遂入華陰山尋王佐於石室師之學兵畧戰策奉
 師命出山聞溫入關被褐謁之捫蝨而談世務旁若無人
 溫欲署為軍諮祭酒猛請還問師別溫回山先生謂曰卿
 與溫豈並世哉在此自可富貴六月溫軍乏食秦遣弟東
 海王雄同太子萇追擊萇中矢死健立第三子生為太子
 十月雄卒子堅襲爵乙卯夏秦主殂生立改元生好飲剛
 懷健以識文有二羊五眼之說而生幼損一日故立生涼
 張祚稱和丁巳秦晉帝立何準女為后準初寓海鹽一夕
 羣鳥啼噪生此女冊立日鳥復夜啼各其地改元昇平燕
 元光壽秦姚襄將圖關中秦遣東海王堅討襄擒斬之哀
 壽光二年

元壽

十姚長

十魚遵

十呂婆樓

西秦苻堅

永興

○僧涉

○甘始

十鄧羌

十張蚝

弟苻隆

夜夢大魚食滿又聞長安詩曰

東南大魚化為龍男皆為王女獨公問在何所洛門東

生疑應太史魚遵殺之堅結英豪呂婆樓薦王猛堅三使

聘至遂弑生堅稱天王

建元永興

子宏為太子猛為丞相咸午

旱有司奏有僧名涉之能致雨堅請禱涉登壇念咒俄而

一龍飛下鉢中雨輒如注堅就鉢觀之游泳如魚涉復咒

龍忽飛去涉曰僧人道友甘始更有神術可試之堅召主

遜坐始令取雙鯉一搽藥少許同投沸膏中其有藥者奮

尾鼓腮游行浮沒無藥者已熟而可噉堅火稱奇皆尊持

之始

字季先

善行烝而不飲食服天冬而行房術得容成玄

素之法未幾與涉辭去堅得鄧羌張蚝皆萬人敵俟燕晉

之隙燕主雋夢石虎囓其臂庚申春雋疾殂太子暉嗣

元改

熙恪為太宰晉以謝安為司馬

字安石鯁從下太康人

安四歲時桓

爰歎為非凡兒寓會稽與蕤之戴逵許詢桑門支遁遊處

常往臨安東山坐石室臨谷悠然歎曰與伯夷何遠許邁

採藥西山與論神仙事遂相契焉支遁

字道林本姓關陳留人遷河東林慮

神理秀徹年二十五出家與師共論物類遁謂雞卵生用

未足為殺師不能屈尋亡見形投於卵殼破雛行頃之俱

滅遁感悟乃蔬食終身後隱餘姚山每講法善標宗會而

章句或有所遺時為守文者所陋復任品之支礙人遺其

許詢

支遁

謝奕

哀帝不

符融

晉

隆和

白馬蒼鷹愛而蓄之有白馬淵居剡之沃洲山有人遺雙鶴遁

任其翻成放去有放一峯遁時為法師講維摩經眾無以歷難

戴許王謝十八人與之遊安允為征西司馬卒遁謂安

曰令當出矣溫慕安名請之辛酉夏帝崩在位十無嗣立

卿王不哀帝戊帝長雅好黃老辟穀煉丹以冀長生十

一月泰有鳳凰集於東門堅召王猛符融密議親為赦文

一大蒼蠅穿牖集筆端驅之去俄而長安市中有青衣小

兒大呼今日官家有赦境內哄傳有司奏請堅即頒赦王

咸春晉建元隆和桓溫既有異志聞蜀人王見得秘授天

文召至問曰御識國運若何見曰世祚方永未必便終暗符

王見

習郁

習鑿齒

釋道安

何神傳

卷十二

三

事

恭帝已未
歲亡國
溫不悅與絹一疋曰卿可自裁見疑令自盡聞

習鑿齒
襄陽公
郁之後
仁厚濟人乃往求救鑿齒曰知星宿有不

覆之義乎此戲君耳見明日人辭溫笑曰昨憂君悞死今

是悞活徒看儒書不如一請習主簿聽其去釋氏道安

本姓

魏常山
扶柳人
早失覆蔭為外兄孔氏所養七歲讀書再覽能誦

十二出家神性聰敏而形貌甚陋不為師所重後之市啟

師求經與辨意經一卷可五千言安齋經就覽暮歸以經

還更求餘者師曰昨經未讀今復求耶答曰即以開誦師

雖異而未信復與成具光明經一卷不減萬言暮復還師

師執覆之不差一字始大驚嗟安以釋為姓復遊學至勤

退佛圖

事爲師及石氏將亂安與弟子惠遠等四百餘

人渡河南遊夜值雷雨乘電光前行得一人家見門內有

繫馬椿棒之間懸一馬兜可容一斛安便往呼林伯升伯

升謂是神人厚相賞接弟子問何以知安曰雨水爲林兜

容百升也既達襄陽詣溫幕府見一人迥然問其姓氏曰

四海習鑿齒公何不識問安法號對曰彌天釋道安君豈

無聞相對大笑引見溫待之上賓溫開瞿硎先生隱文春

山年高有道造訪之見其披鹿裘坐石室中叩以當世事

答以不知神色藹然無忤溫命伏酒作贊而返癸亥改元

興寧王述表加溫爲大司馬溫用述子坦之爲長吏却惜

瞿硎先生

伏酒

興寧

王述

王甲之

却起

王珣

謝玄

張天錫

康伯奕

許穆

紫微王夫人

夫人

裴玄仁

子超為泰軍王導子珣為主簿謝奕子玄為豫甲子二年

涼張天

錫一年王述為尚書令請召謝安為侍中帝服丹藥過多

乙丑春毒發而崩

在位四年

無嗣立同母弟奕廢帝夏秋間有彩

雲覆護句曲山帝遣使察問有許穆者

一名謚字去思

洛陽族子

曾為褚哀護軍長史性好道常著葛屨單衣白拾舉宅隱

茅山修真紫微王夫人常降教之夫人

名清娥字愈音一作愈意為王

母第二十女鎮羽野玄隴主教度世尼當成真者悉授以

道昔譙城裴玄仁家奉佛道精思讀經遇佛圖道人謂曰

子當為仙宗乃授以內術故得王夫人降與寶神經玄仁

夙夜勤行乘龍上昇證位清靈真人夫人見許穆塵心未

了寄與書曰

玉醴金漿交梨火棗飛騰藥也。君心猶荆棘相雜。是以
二樹不見。虎林大滌山許邁子之族也。道已成。將度之。
蓬萊侯子心淨。復來傳以道要。

時邁得稚川丹經。再至大滌修煉。爲書謝其妻云。

欲聞懸雷之響。山鳥之音。以爲簫韶九成。不能勝也。偶
過景菁蔥之下。棲息巖岫之間。以爲殿堂廣廈。不能過
也。吾其去矣。長爲別矣。

邁受解術反行之道。服玉液。朝腦精。三年中童顏。靈應王
夫人適至。授玄光紫芝。曰與丹齊服。即飛昇矣。邁拜受服。

許玉斧

之能來往蓬萊穆問之改名慎字思立與子玉斧相勉力學後夫人鑒其誠仍來度之作贊美之曰

蕭邈真身內鏡外和曾參出田丹心同丹素素三遷來

庇方頭 下四句離合思立二字

安妃

楊義

乙丑六月望夜夫人與九華安妃同二十三真人十五女

真降白曲楊義家安妃古得道女仙專心度世聞義求真

初至其家義拜問夫人曰太虛上真金臺李元君之少女

昔詣龜山學上清真道太上師紫清上宮九華真妃賜姓

安名穆嬪字靈蕭坐良久握素三枚如乾脯形長無核食

薺味絕甘美妃作文相贈夫人亦作文相曉諸真皆贈詩

而去獨真妃小留命侍女錦橋檢囊中出三元入命之書
付羲令寫云君若不耐風火之烟欲抱真形於幽谷且可
尋劍解之道作告終之術妃遂去七月王夫人同一神女
來曰此吾姊也王母第十三女名嫺蘭字中林一作中林受錄爲雲林右英大
人下治滄浪來授子服術之法羲拜領其教少頃俱去有
使者先來傳命曰李夫人將至羲灑掃恭候俄而駕至年
可十三四虎紫錦文襟虎寄流金鈴帶青色玉綬有兩侍
女年並二十許着青綾衣從者散立戶外羲伏道迎請夫
人坐中堂曰我乃北元中玄道君慶賓之女太保玉卽電
飛之妹已受書爲東宮靈照夫人治方丈臺第十二朱館

小女安妃言君好道故降教焉義再拜求道夫人命侍女
隱暉捧赤玉箱二枚青帶絡玉檢文其題檢一曰太上章
一曰太上文悉以賜之義抱受晚謝夫人後數數來降授
書作詩晉使踪跡訪至義入朝煉上內觀隱書還神歸章
書共二卷曰修此可成金丹延生長命帝以先帝好而蚤
喪却之義遂辭還自修丙寅元旦帝御正殿有赤蛇盤於
御床帝聞危謙善卜召使筮之卦成謙曰晉室有磐石之
安陛下有出宮之象帝曰可消伏否曰後年應有大將軍
北征失利以三萬人逆之於壽春北此災可弭謙乃魏郡
人郭瓊弟子性縱誕不耻惡衣食好飲酒常吟曰

風從牖中入酒在杯中。搗手握四十九。靈光在上照魏
幾藁著下獨向冥裡笑。

進不登龍門。退不求名位。無以消天日。常作麴糵。醉
精於易。古常在。建康後巷許新婦店前賣卜。一卦百錢。每
日限錢五百。止次卦千錢。不爲也。每住尚方門外路西。有
貧女三四人。自能料理。謙日送錢三百。供母。餘錢二百。作
酒費。以與貧寒。率爲常規。初吳興守沈彬仁愛多惠政。民
稱沈吳興會稽王昱欲引爲已用。彬遂告老少好方外術。
從郭璞學地理。璞每謂曰。善地非無。惟德者能當之。於是
立意功行。及歸高安。恒以朝修服。飭爲事。一日遊郁木洞。

觀聞空中樂聲雲際見女仙數十冉冉逕入觀中徧至像
前焚香良久乃去彬匿室中不敢出既去入殿視之几案
有遺香悉取置爐中已而自悔曰平生好道今見神仙而
不能禮謁得仙香而不能食是吾無分歟常語子孫曰所
居堂下正是吉地死即葬之因植一樹為記吉地因緣心
地真人務在

盡人

老蛟為書生所化宜其有才乃至井底沉淪出頭無日
悲哉向使有才而不為孽亦何至此聞過悚然
天生猛授堅嵩神引成王佐之學桓子矢之可云盲者
秦景思晉安石始堪為敵猛已非常入而安必亦謫仙
也觀其東山逸興交遊支許輩可見胸無勢利
漢末御座燔青蛇晉末赤虵蟠之皆氣數將終之兆諫
僅以出宮之知數定無益於言也

○○相立 切衆而合萬 ○○正氣虧羣陰共剝

及年八十餘卒如其言掘地得自然搏壙製作忌精博上
皆作吳興字最下穴中有取耿一燈傍有銅牌上篆十字
云

漆澄猶未滅留待沈彬來

遂安葬於中後豫章漁人投生米於潭中捕魚不覺入一
石門煥然明朗行數百步見一白髯翁諦視之狀類於彬
謂漁曰此非爾所宜來速去猶可漁遽出登岸云已入水
三日來告沈冢彬子秀往問庖謙謙曰西蜀岷山下有泉
南北三門沈君司守朝陽此即天寶洞之南門也秀欲往

沈秀

晉

太和

秦

建元

杜弼

陳文子

慕容垂

從之扈曰蜀有喪葬兵燹俱集中洞會議秀告退是年晉

敗元太和

秦建元

戊辰桓溫以慕容恪卒欲伐燕錢塘杜弼

者言人事皆

驗溫召問此行健否弼云公明年三月專征

當挫鋒焉

弼

早孤事後母至孝聞於鄉郡禮命三徵不

就歎曰方當人鬼淆亂非正一之氣無以鎮之往師餘杭

陳文子

名須身去

無春厥濟大夫漢

受法為正一弟子救治有

效民咸賴之一夕有神人降云我張鎮南也汝應傳我道

法悉以諸秘

要授之弼每入靜焚香能見百姓三五世禍

福章書符水應手即驗遠近道俗歸化溫不信於已已秦

伐燕燕主暉

欲奔和龍吳王垂

子

請救於秦猛擊溫敗之

評

太侍評忌垂垂奔秦堅命猛等伐燕燕長史中胤曰郗必

亡然福德在燕而其復建不過一紀耳暉出峰

前燕歷四世共八十

年五燕太史黃泓歎曰中興其在吳王乎汲郡趙秋曰天道

在燕不及十五年必復為燕有辛未冬桓溫令參軍王珣

桓伊

桓伊攻入壽春伊善音律得蔡邕柯亭笛既受繁陽子之

辛猷

傳為江左絕調江夏黃鶴樓有賣酒辛猷不識人好施有

道士就飲醉輟出玉笛倚樓作梅花三弄飲不償值者三

年一日曰黃鶴去不復返空留此名吾將表之以實其事

取橘皮畫一鶴於壁以筯招之即下舞後臨行謂辛曰桓

子野

伊

嘗授其笛譜可向之索飲值遠跨鶴飛於空時夏

弗且事登卷十二第四節

慧特
慧永

五月猶聞笛聲嘹亮伊往作贊於樓嗣是貴客皆就飲宴
辛竟致富伊守豫章時雁門僧慧逯過彭澤廬山夜宿荒
祠明日謁郡守曰昨夢匡先生願捨祠爲寺伊從之遷祠
於山口師本姓賈弱而好書尤善莊老年二十一於太恒
聽道安講般若經豁悟與弟投簪落髮初名惠遠第名惠
特遠公慨以大法爲己任晝夜行持一時宿儒老衲咸推
服焉後欲往羅浮路見廬峰清淨足以息心同門慧永居
在西林邀同止匡廬去水甚遠師以錫扣地曰此中果得
棲遲當使槁地泉湧言畢清流突出成溪遂構精舍以居
其後潯陽亢旱師詣池側讀龍王經有臣蛇騰上須臾大

恭

杜炁

雨因號龍泉寺師有道光慧恭成都人來訪同宿數夜恭竟無所道遠問恭何事曰唯誦得觀世音一卷遠怪之恭曰經卷雖小凡尊敬者得無量福願息瞋心當爲法師誦一遍乃結壇昇座恭發聲纔唱經題異香遍滿房宇及入經文天樂嘹亮振空雨花霏霏滿地誦訖下座花樂方散遠頓足頂禮涕淚交流謝曰慧遠是穢死尸敢行天日之下自是少接賓客靜悟禪機桓伊以其學徒日衆更爲建東林寺溫恃才畧位望倩伊往問國運遠曰山僧何能知也溫聞術士杜炁能知人貴賤召問終身炁曰明公勲格宇宙位極人臣溫不懌却超說行廢立溫宣褚太后旨廢帝

簡文
皇帝

咸安

桓玄

許氏

爲海西公，立昱爲帝。是爲簡文改元咸安。時溫妾產，息至，艱聞。庾謙曾卜海西出宮，已驗。召問之，謙筮曰：「公第西北六間馬廐，壞竟便產。」喜是男兒，聲氣雄烈，當震動四海。溫從其言，果生子玄。賜謙錢三十萬。謙云：「謙用筮錢，常患不盡，且無容錢處。請還庫，溫不聽。」許氏以空檻借貯。夫人復送三十萬錢。謙得錢後，日筮三卦以養母，以溫錢飲酒，求能酬客。羣聚極歡。許氏常以賢禮待謙，不計值多少。後忽他去。許覓經年於譙溝，遇謙，謂曰：「家中欲得檻用，可同往取。」寄錢謙，笑曰：「三年飲酒數千斗，纔足相補，正餘一百半許耳，不足復顧吾以瓜刻壁記之。」寫算便知。許氏歸，試算不爽。

○ 庖母

○ 張忠

後庖母夜亡。謙即旦還。云因緣盡矣。今得專心聽教於秉
一公也。遂去數日。許氏家人於落星路邊見謙。卧地。始謂
其醉。引手牽之。唯空衣而無屍。洛陽張忠性耽沈靜
曾遇河上老人教抱一守真之道。告曰。修於其身。其德乃
真。君子立身。道德爲任。清淨爲師。太和爲友。惟玄惟默。與
道窮極。衷一是以通知至道。虛無爲宗。依幽谷鑿爲窟。四
方高士請爲徒。來居窟室旁。去六十餘步。五日一朝。其教
以形不以言。各受業觀形而退。立道壇於室上。每旦自昇
拜之。食用瓦器。竅石爲釜。弟子供應不匱。桓溫遥窟訪見。
坐而睜目怒視。溫覺神志自爽。忘其尊貴。竦然退至幕府。

武陵王晞

羊權

羊欣

萼綠華

悔恨其不禮遣將吏捕殺皆不知去向。還報溫歎曰：道之
爲物惟悅惟惚。溫又遊黃山，追訪浮丘遺躅，悵戎事老此
生。壬申，溫奏武陵王晞有異志，可誅。帝弗許。晞愛清雅，慕
戴逵妙琴，聘之。逵字安道，宅人寓會稽剡，溪性高潔，琴受麋長
生指法爲冠。當時晞使至，逵破琴曰：不能爲王門伶人。復
深隱丹池山，遠屏塵俗。黃門郎羊欣其祖權字道學，昇平三
年十一月望夜降一女仙，年二十許，上下青衣，顏色絕整。
自云：南山萼綠華也。本姓楊，名羅郁，在九疑山得道，受職
歸玄洲臺主。謂我宿世曾爲其母，毒殺乳婦，以爲先罪未
滅，故暫謫臭濁，償其愆。尤因在羊家一月，臨去贈詩一篇。

未句云。所期豈朝華。歲暮於吾子。并致火澣布手巾。一金

玉條脫各一枚。

條脫似指環而大。

異常精好。謂權曰。慎毋泄。我下

降事泄之。則彼此獲罪言訖而去。祖孫知有仙緣。皆潛修

默味綠華。重降先授權尸解藥。遂得隱景化形。至是復來

教欣占候天文。并傳行道方畧。曰。修道之士。視錦繡如敝

帛。視爵位如過客。視金石如燼石。無思無慮。無事無爲。世

人行嗜欲。我行介獨。世人學俗務。我學恬淡。世人勤聲利。

我勤內行。世人得老死。我得長生。故我行之已九百歲矣。

欣拜領教語。自此常來一月之中。輒六過。欣占驗每効擢

爲大史。以司天象。熒惑守太微。端門踰月而海西廢。是秋

孝武帝

李太后

寧康

相玄十六

馬氏

劉驎之

七月又逆行入太微欣奏主上有難帝惡之欣退隱相東

山後亦未數日帝得疾崩在位二年太子曜立是為李后

娠曜時夢神人謂曰生男當以昌明為字及產遂以字之

簡文後悟識文有晉柝盡昌明乃歎息流涕癸酉改元寧

康正當天地之相玄十六劫是年歲星臨吳所在主有福

德二月桓溫來朝欲誅王謝移晉室忽得病還臨危使弟

冲代領託善觀幼子玄玄母馬氏與同輩夜坐月下見流

星墜銅盆如二寸火珠競以瓢撈取馬得而吞之遂妊玄

小字靈寶冲盡忠清儉躬諸劉驎之字子驥家請為長史劉被短

褐條桑固辭養父甲戌春詔謝安總中書顯拔幽滯吳郡

梁山伯

梁山伯國山祝英臺同學三年不知祝乃女子結為兄弟

祝英臺

寢食與俱梁為鄞縣令一日謂書吏曰帝君謂我誠篤召

人太室造冊定華夷劫運遂卒葬四明山下祝往哭弔墓

忽開裂祝墜下復合僅露玄襟從者褫之皆毀旋化蝶類

飛去

世有梁祝二種即其遺蹟

謝安奏封義塚五嶽君相因值相玄劫

會議嵩山清造乃兵疫病飢饉等冊中華帝君曰天地氣

運有正有偏摠由生剋制化之理晉武以火剋蜀漢之金

而承其統其後自相殘殺火星散而衰矣匈奴劉北來剋

火而居其國蓋此時卦氣遇剝一陽不能制五陰偏運侏

行正氣避位晉人退處東南五胡交侵中國石羯以土剋

覆為天地
根

覺是聖賢
所

張孟

劉氏之水鮮卑以木尅石氏之上符氏以金尅鮮卑之木
姚弋將假火以滅氏也五運正偏各半分行南北然後一
陽自下而起卦爻為復所謂一元復始萬象維新真主統
一字內重歸正運也余於祗園會上親承太上之諭謂東
南半壁延續夏正者五有其四方議一人出以應之大覺
真人葛君曰中陵蕭君與苻堅有係命先秦五穀大夫降
為王猛令越引入少室指從天台子順於華陰藝成輔堅
霸業蕭君將喚歸山也眾稱謝教席散辭歸各勅官吏清
查州郡趨造冊籍申奏天庭時秦太史令張孟奏鑒星起
箕尾而掃東井此燕禍秦之兆光明殿上忽有人大呼曰

王木

二高虜

沙公

吳邠

接跋挂

晉

太元

甲子乙酉魚羊食人悲哉無復遺堅合近侍執之不見乙
亥夏猛寢疾堅訪以後事猛曰晉雖僻處江左正朔相承
願勿以為圖鮮卑西羌終為人患宜漸除之卒年五十武先
高陸人王木穿井得大龜廣三尺背八卦文進於堅命太
卜養於池至是亦死藏其骨於太廟廟丞高虜夢龜謂曰
我沙公也將歸江南遭時不偶隕命秦庭虜友吳邠曰昨
夢龜言吾三千六百歲而終終必妖興此恐亡國徵也虜
曰然勿漏言丙子春堅聞張天錫荒淫伐之涼遂亡此擊
代什翼捷請為藩為庶長子所酖太孫珪奉母屯牛川是
歲晉改元大元丁丑春武陵渙者黃道真入山溪捕魚見

黃道真

桃花隨水流，出異之乃綠溪行。溪旁多桃樹，至一處與世

相隔，桑麻掩映，雞犬相聞。竹戶荆扉，民居稠密。村中人見

道真驚訝，咸來相問。道真具答，問此何地。曰：秦時避亂，至

此，忘記歲月。問：今是何甲子？道真言：過漢魏及晉代已久，

俱曰：不知也。相邀至家，款以酒飯。老少男女，未歸古樸，一

髻髮翁曰：此山猶爲外府，極裏名桃源山，可遊而不能居。

中有仙人在焉。道真問從來，翁曰：關中孔丘明與駱法通

等十人相結，避秦遠訪大道。南來玉笥，修煉歲久，丹成，擇

居於此，常招吾等入去酒食。道真乞引一遊，翁難色曰：不

敢取彼厭惡。道真辭去，翁囑曰：不足爲外人道也。道真復

孔丘明

駱法通

十人

主儀

仙民

得爲仙民

循舊路得舟歸至家已越三日乃聞於太守義陵守王儀
亦好事者欲往問津迷道而返途遇一道者丰神超越儀
異其貌揖問之道者曰此處綠蘿山仙真棲息之福地其
外高梧桃源俱爲別館旁居者仙民非凡境也儀不勝惋
歎問道者姓氏曰余抱樸子將避今秦之亂欲得視廖平
丹砂井耳別去數武倏不見道真悔恨築室於山口伺候
偶南行數里有孤山巖石峭拔上有青葱自成畦壟道真
拜而乞之然後拔食味美滑山頂有池多魚鱉每年七夕
輒皆出遊半巖室中有書數千卷是昔有道之士所遺之
經道真常往翻閱他人不見後爲仙民引入綠蘿時朝廷

劉牢之

羅翼

方以秦寇爲憂，詔求良將。謝安舉兄子玄，諡領諸鎮彭城。劉牢之爲裨軍，苻堅聞沙門道安能宣賜佛法，辛巳出師取襄陽，得之，迎至長安，住五重寺。堅每欲平一會，出遊東苑，命安外輦同載。僕射權翼諫曰：「天子法駕，侍中陪乘，道安毀形，寧可參廁？」堅勃然曰：「安公道德可尊，朕以天下不易輿輦之榮，未稱其德，即勅僕射扶安登輦。俄而顧曰：『朕將整六師，巡狩與公陟會稽，以觀滄海，不亦樂乎？』」安曰：「陛下應天御世，有八州之富，宜棲神無爲，與堯舜比隆。今欲以百萬之師，求厥田下中之土，且東南地卑，氣厲禹遊而止，辨狩而殂，始皇適而不歸，昭王去而不返，以貧道觀之。」

蒙氏

賓頭盧

非所喜也。聖不從安。謂徒衆曰。苻秦將亡。弗可居也。遂偕衆遁去。聞習鑿齒遠在滇南。往訪之。住天長寺。精修苦行。旨欲於寺建浮圖。即有洪水自蒼山漂木石而至。羅筌島有毒龍。頻覆舟。安復創寺於上。害遂息。其他神用莫測。蒙氏敬事極厚。安自幼嗜佛書。註般若道行密迹諸經。析疑甄解二十餘卷。所注諸經。恐不合理。乃誓曰。若所說不違理者。當現瑞相。夜夢見道人頭白眉長。語安曰。君所注經殊合道理。我當相助弘道。後慧遠來云。和尚所夢。貞頭盧也。丙戌正月二十七日。有異僧形甚陋。來寺寄宿。寺房既窄。處之講堂。維那值殿。夜見此僧從窻出入。遽以白安安。

孟欽

驚起禮訊答云特相為來安曰自惟罪深詎可度脫答曰
甚可度耳安請問來生所生之處彼以手虛撥天之西北
即見雲開脩堯率妙勝之境天曉異僧飛去至二月八日
安忽告衆曰吾當去矣是夕坐化毫光五彩茶毘之頂骨
有唾室利伽訶阿六字梵書始知為文殊化身云有孟欽
者得左慈劉根之術秦臣皆敬堅竊忌之尚於是而誅華策以故而斬吉
昂念之誠即感上真降授世之求道者特惠其不誠耳
諱以卜養親親死方得蛇化可見親恩至重世有遊子
滯跡他鄉久離膝下吾知其別有肺腸
行人所不能為緣華之教玄機洩矣
梁祝在塵世結暫時之兄弟終得為山中才久之夫妻
是其篤於友道之效
東晉氣運確似剝卦一陽不能制五陰剝極復來真命
挺生以混六合至理顯然

王嘉

宋史

○遇呂光羅什東來

○調姚萇王嘉南去

問以南方氣數欽曰彼長於此堅惡其惑衆命融執之召

至第方曰左右收欽化旋風而去隴西安陽王嘉

字子平漢相再

世曾受仇池先生之秘久在洛陽谷口能御六炁守三一

冬夏不改其服顏巴曰少常携弟子登巖穴講究帝王尚

五德王天下之理洞知世人休咎堅欲決策南征是冬遣

使問嘉嘉曰金堅火強乃乘使者馬整衣冠徐徐東行數

百步墮其衣裳奔焉而還乃踞床不言使者回述堅意不

解更遣問世柞嘉曰未央還報堅爲言徵

明年聖亡家國是殃在末年也

嘉尋移隱嵩高山癸未秋堅大舉伐晉命融爲大將軍步

謝石

晉書
謝石

夜赤壁

謝石視耳

慕容德

慕容泓

慕容冲

何補傳燈卷十二

華嚴

弱百萬晉謝石謝玄帥衆八萬拒之玄遣牢之趨擊大破
 之諸軍繼進堅登壽陽城望八公山草木皆類人形慄然
 有懼色初晉稽王道子聞堅入寇以威儀鼓吹求助蔣山
 神及是有感秦逼淝水而陣玄夜渡焚營融被殺堅中流
 矢走秦軍潰慕容垂獨全於淮南堅赴之垂子寶曰五木
 之祥至矣垂在長安與友樗蒲按五木誓曰若富貴可期願得三盧因三擲皆盧親黨多勸
 殺堅不聽堅使子丕守長樂垂請安集北鄙丕館於鄴西
 垂謀復燕苻甲申春垂稱燕王以弟德爲范陽王北地長
 史慕容泓自稱雍州牧屯華陰慕容冲起兵平陽堅遣鉅
 鹿公廩都督諸軍姚萇爲司馬往討三處冲與兄泓設伏

殺敵

伊詳

聚泰

白雀

西燕冲

更始

有得也

殺敵引眾奔西川豪族伊詳推其為主稱後秦王建元

前涼將謝文繼往關中與其為友然厭處凡世思歸蜀峰白雀

約其曰苟富貴毋相忘後其以龍驤將軍使蜀至鳳山詰

之文以禮相待假以鐵如意祝曰麾之可致兵其心疑其

為之一麾戈盾戎馬萬餘列於平坡試兵其是也長拜受施行

每賴陰助至是念昔所約即其地祀之廟號九曲盡梓潼

九折神許以明年立讖報于時慕容德圍不於鄴不西走

乙酉夏慕容冲即位阿房號西燕建冲攻長安堅以讖有

帝出五將久長得遂奔五將山姚萇圍之執堅繼殺年四

在位二不即位於晉陽改元是秋晉太保安以會稽王恣

秦士不

大安

十謝琰

一謝混

橫乃求鎮廣陵偶染疾喚子琰孫混謂曰昨夢乘桓溫之

輿行十六里見一白雞而回吾已代溫位十六年歲值乙

酉吾知不免也木幾果薨謚文靖支遁先住餘姚塢山中精

通釋典大問儒宗與謝安特善既而雲遊東南晚年思還

塢曰安石昔數來見輒移旬日今觸情舉目莫不與想聞

安卒至廣陵弟之得病甚劇歸塢遂終是冬燕王垂定都

中山後燕始祖明年丙戌改元建興拓跋珪稱籙於燕請統代衆蠕蠕國

王柔然來寇珪擊敗之諸部震駭建元改國號魏窺虜於

燕秦時西燕將段隨殺中自立慕容永討之逃去永為河

東王姚萇入據長安稱帝後秦太初永欲攻之衆勸先擊

何陋釋子

後燕始

祖垂

建興

蠕蠕國

柔然

魏太祖

拓長

登國

民臨

慕容永

力

世爲天竺國相其父鳩摩羅炎聰慧有大節將嗣相

龜茲王

真矢才

龜茲王

龜茲王

位乃辭避出家東度葱嶺龜茲王追還郊迎請為國師王
有妹年二十才悟明敏諸國交聘不許及見炎心敬慕之
王遂以配炎生什七歲父歿與母俱出家什從師受經日
誦千偈偈有三十二字凡三萬二千言義亦自通善經律
論化行西域諸國咸服什神猶每講說諸經諸王長跪座
側令踐而登焉呂光軍未至什謂王曰有勅敵從東方來
宜恭承之純不從光遂殺純立其弟震光獲什併其母見
年齒尚少未測其智量乃以凡人戲之強妻以龜茲王女
什辭甚苦至光飲以醇酒同閉密室什被逼遂虧其節光
還休軍山下什曰在此必狼狽宜徙至隴上光不納致大

中略自有福士可居至涼州聞堅死入據姑臧稱涼王

復稱三河王建元初隴西鮮卑人乞伏司繁降秦其子

國仁據金城州稱大罕子梁王之西元建義以戊子殂子乾歸襲

位次已五春麒麟出金華縣呂光爲已瑞麟嘉以禿髮

鳥孫爲河西大都統時稱王建號者凡八國大初二月癸巳春晉太元十八年苻秦太初八年

魏登國八年六大國皆合八年一數亦偶遇也姚萇明

王嘉在嵩山迎至問曰天下分裂朕惟定都長安能掃羣

嘉日明以士持然寧也長安倣西結爲少制甚

弗且專登
卷十二
第五節
四

後秦

姚興

白至乙初

秦

苻崇

延初

後燕

慕容寶

永康

後涼

龍飛

沮渠
羅仇

大怒曰小道士答朕不恭有司秦誅嘉及二弟子先有使
 人在隴右逢嘉將兩徒行嘉使寄書與萇意舍譏諷萇發
 嘉及其弟子棺並無屍骸各有胡盧一枚萇因得疾夢符
 堅持刀砍其頭驚醒轉劇而殂子興立明年改甲午春苻
 登盡眾而東興與戰殺之登子崇奔湟中建元初梁王乾歸
 攻殺崇盡有隴西稱西秦王苻秦傳七主共四十五年後燕垂伐西燕
 永兵漬內叛斬永西燕丙申閏垂伐魏得疾殂於上谷在
 十二年壽子寶立改元呂光稱天王國號涼改元拜烏孤
 七十一為益州牧不受自稱西平王為南初呂光殺張掖盧水胡
 人沮渠羅仇其子蒙遜與諸部說段業為盟主稱北涼王

沮渠

建元神璽人晉謝玄薨帝選時望為藩鎮潛制道子以

北帝

仲堪為荊州刺史有思理能清言常自云三日不讀道德

殷業

經便覺舌本間強先遊江濱見上流一棺至堪以其無主

神璽

命左右牧葬旬日門前之溝忽起為岸有稱徐玄伯云感

殷仲堪

思承謝堪問岸主何祥曰水中有岸為洲君將為州官也

徐玄伯

至是果然乙未秋七月太史令奏長星見帝惡之舉酒視

張貴人

曰長星勸汝一杯酒自古豈有萬歲天子耶明年秋張貴

安帝

人弒帝言魔暴崩在位二十四太子德宗立為安帝幼而

隆安

不慧明年改元隆安立王氏為后以王珣為尚書令珣薨

王后

人與以大筆如椽既覺曰此當有大手筆事俄孝武崩哀

帝且厚冬
卷一
第五節
五
五

趙侯

侯和傳

卷十二

華藏

冊謚議皆珣所草時一少年自稱趙侯姿形頽陋吳諸妙

術常以盆盛水作禁魚龍立見侯寓邸中有白米麥鼠所

竊乃披髮持刀畫作地獄四面爲門向東大嘯羣鼠俱到

咒之曰凡非噉我米者過去盜者令止止者十餘剖腹罪下

臟有米在焉邸人大奇往告有尹具聞道子召之侯遂徒

跣隨行中途遇雨將頽履仰面微吟雙屣自至道子方踞

坐進膳見侯形容笑指之少頃酒盃向口掩鼻不脫知冒

犯戴杯下座稽顙謝過杯乃釋去敬事芒神皆遊永康山

上有石人騎石馬侯以印指之人馬一時落首猶在山下名騎石人

道子焦畏服侯曰我與毛劉二兄歷遊東南復欲北去暫

來遊戲耳每戒道子以王未幾不知所在晉初衢州王質
入山伐木至石室山見中有數童圍碁質置斧柯觀之童
出一物如棗核與質令含不覺飢渴童謂曰汝來已久可
還質取斧其柯已爛盡質駭異亟歸已百餘年親舊零落
復入山尋之童子即郭文舉張兆期謝稚堅因毛伯道劉
道恭與趙叔期來授以胎精中記得返老還童近郭志生
歸隱富陽山道學高妙齊往訪之質不能復見遂止石室
以待志生指眠牛地後同上成公石坦東遊後二人北去
志生留居東南多止烏場張績家每歎曰兵荒方生毒流
黎庶將以溝瀆爲棺材蒼蠅爲孝子可爲痛心忽謂績曰

當去為我粗脩材器殯不須釘但送山巖中以石鎖材上

足矣後少日而死績謹依其教經數目績親識自富陽還

見志生騎白鹿行山中作書與績教其修善可以免難後

年孫恩反於會稽一冬民遭殺害凍飢志生晤石室諸仙

什死入九績奉命行善全家得無恙侶深相契合王質得傳其道亦遍遊審察形勢見代朔王

氣三葱歎曰北魏六興之也丙申秋魏改元皇始丁酉春魏王珪攻

燕燕主寶夜走戊戌春范陽王德南徙黎陽夜忽凍合衆

復冰而渡名天津德至滑臺稱燕王為南寶守龍城尚書蘭

汗殺寶稱昌黎王寶子盛太原王楷恪子之子奇殺汗盛

即位改元建平明魏還都平城始稱帝改元天興詔朝野束髮

皇始 蘭汗 慕容楷 慕容奇 後燕盛 建一 長樂 二主珪 十興

建平

元顯

孫泰

孫恩

瓜主

杜該

馮氏

加帽已亥置五經博士燕王德南據青州諸郡定都廣固

明年稱帝更召脩德南畝充徐與晉錯壤會稽王悉以政

事委子元顯顯生殺任意羣情不附於是東士囂然有之

恩者字靈秀世奉五斗米道恩叔父泰師事錢唐杜曷曷

有秘行桓溫謝安皆敬之見人以舟載瓜而賣曷買之就

問瓜主借刀而剖謂曰汝自歸刀即送還瓜主別至嘉興

忽一魚躍入舟剖之其刀在腹桓冲欲引曷子該為從事

曷辭曰吾兒孫並短命不欲令仕進至玄曾孫方得吾福

耳常曰吾去世後當有假吾法以破大道者亦是小驅除

也如黃巾相似少時消滅曷為書函封付妻馮氏曰若後

有災異可開示十姪勤修德業時為吳興守勅書吏章棺
器令家人作衣衾云吾至三月二十六日當行體尋小惡
至期而終尸柔氣潔諸弟子人民為之立碑作頌孫泰稍
得其術浮狡有小才誑誘百姓會稽王恐其為亂收泰誅
之恩逃出海濱以言煽惑謂其叔蟬蛻登仙眾信之各以
財帛資給因招集亡命殺上虞令來攻會稽內史王凝之
義之曾奉寇天下道不令出兵設備官屬請討之凝之曰
吾已借鬼兵守諸津要恩遂陷城殺凝之入郡皆應恩旬
日眾至數萬詔謝琰安劉牢之討恩彭城劉裕字德輿楚
九世孫其祖靖移丹徒京口里生子維二大度僅識文字
翹翹生裕生之夕神光照室如晝

劉靖

劉裕

劉翹

從母

赤帝新地
神母夜覽
仿佛

奉從母以孝聞。明 書 孔又 賣履為業，好擇藕，偶遊竹林寺，倦

卧講堂，寺僧駭為火發，奔視，裕身龍章，火焰主僧喚醒，語

以故，裕曰：「吾行止常見二小龍附翼，初往新洲伐蘆荻，大

蛇長數丈，在渚蟠屈，裕驚以箭射之，蛇遁去。裕明日復往

聞荻中有杵臼聲，覘之，見青衣數童擣藥。裕問：「河為答曰：

「吾王出遊，為劉寄奴所傷。」宗 裕小將，合藥傳之。裕佯問王神

何不殺之？曰：「寄奴王者不可殺也。裕叱之，忽不見。裕識其

尊而返。金瘡傳之立愈後即 途遇一相者曰：「安江表亂者，

其仕子乎？時至何不自奮？」裕揖曰：「裕匹夫耳，安能富貴？」曰：

「汝高祖亦匹夫也。」飄然而去。蓋徐太極因晤左師言與浮

丘翁遊蜀為李壽卜後復遊中土觀北魏將并羣雄江南

亦將易姓故太極來諷裕創業時召募英雄裕見牢之拜

為參軍前哨遇賊眾馬逸跌岸下奪長刀仰砍躍登大呼

遂賊射中恩右肩劉敬宣字之乘勝掩殺恩遁入海琰表

裕為下邳太守京口孔靖字季好畫卧夢神人謂曰汝速

起天子在門外驚覺出視裕適過靖延入拜賀曰君當大

貴願以身為託庚子秋懷熒李嵩自稱涼公稱籙於晉嵩

字玄盛小字長生成遺腹生嘗與同母兄宋繇宿於呂光

太史令郭馨家馨夜起謂曰李君有國土之分宋君位為

台輔家有綢草馬生白額駒此其時也及敗業稱涼州牧

劉敬宣

孔靖

西涼

李嵩

宋繇

郭馨

後涼

呂紹

呂纂

咸寧

呂保

十呂超

呂隆

神鼎

署曷効穀令即補燉煌太守縣亦仕業時白狼白駒白雉
 白雀白鳩皆來郡囿馬已生駒繇曰忘馨言乎曷聞呂光
 卒子紹立數日光庶子纂殺紹襲位稱元咸寧一年猪生子一
 身三首龍出東箱并中至殿前蟠卧比旦失之纂號大殿
 為龍翔俄有黑龍升當陽九宮門纂改龍興門鳩摩羅什
 曰龍者隱類出入有時屢現則為災青宜克已以答天誠
 纂不納與什搏戲殺纂曰斫胡奴頭什曰胡奴將斫人頭
 光弟保有子名超小字胡奴未幾果殺纂而立兄隆改元
 釋氏法顯本姓龔平三歲度為沙彌後師佛圖澄及澄化
 歸已亥春顯往西尋至燉煌李暠接見拜問自安術顯曰

法顯

黑獅干

願奉殘晉正朔是冬顯度流沙去天竺王舍城三十里過
暝過一寺僧衆留之宿顯欲詣閭崛山僧諫曰路險阻多
黑獅子橫逕噉人顯曰遠涉數萬里誓到靈鷲險難不懼
也辭謝去既至山塢已曛夕遂焚香禮拜如覩聖儀有三
黑獅來舐唇搖尾顯誦經不輟以手摩之伏足旁作伴及
旦三獅齊去正是獅子窟中無異獸象王行處斲疑狐
氏運將終雖有道安王嘉等維持必不能免淝水之敗
天意全晉猶赤墜之存劉也
羅炎歸釋而妻龜茲王妹因生什什亦妻龜茲王女究
其家世固是有妻之釋
姚萇小羌襲取一時而欲應帝王曆數宜爲王嘉所載
觀萇無幾而斧柯遽爛歸家已淪百年亂世得觀一局
如飲中山苑唐虞揖讓三杯酒湯武征誅一局其夢豈
是歟

○○石堂山麻衣成道——○○海陵郡董幼得仙

佛國澄知其心堅接引拜見如來眾聖李嵩將叛而思漢

楊德輝

中楊德輝偽設醮作書招德輝等赴齋有老道士崔無斃

崔無斃

患聾而託算術德輝畫地作北千二字問之崔公曰以千

北涼沮渠

備北去即乖耳楊遂不果去嵩就齋日擒諸人稱涼王為西

永明

明年北涼蒙遜殺毀業自立敗元時南京烏孤卒于利

南京

鹿孤立西秦乾歸被姚興擊敗走降南京辛丑孤稱河西

鹿孤

王建和改號明年孤卒傳弟儁檀敗元弘昌後秦敗元弘祐興擊後涼

建和

呂隆降後涼傳四主李嵩傳檀蒙遜懼各奉表於秦姚萇

儁檀

初挹羅什高名請之呂氏以什多智識不許時秦有楊連

弘昌

後秦

弘始

僧畧

多羅

流支

理生廟廷逍遙因惹變為菴謂智人應入隆既降興迎什
 入開待以國師禮自大法東被始於漢明涉歷魏晉經論
 漸多而支竺所出文滯義格興少崇三寶銳志講習請什
 入西明閣引諸沙門如法座前諦聽演說什通辨夏言尋
 覓王經多有乖謬與親與什及僧畧等八百餘人更出大
 品什持胡本興執舊經以相考校因得譯出諸經并諸論
 三百餘卷惟律藏未闡什聞罽賓釋多羅華言功德華專精十
 誦律部乃延請誦出十誦梵本什譯為晉文三分獲二多
 羅遵疾而亡弘始七年有曇摩流支此言自西域入開善
 毘尼慧遠聞之希得究竟律部遺書迴好什與流支共譯

十誦都畢命僧繕寫三藏送至廬山興勅什爲三藏法師
隆其供養公卿莫不欽附州郡事佛者什八九什於定中
見二小兒登肩乃啟興曰有慾障湏女子興笑謂曰大師
聰明超悟天下莫二若一旦厭世何可使法種無嗣遺以
二宮女什受之一交而生二子興復以妓女十人贈什自
此不住僧坊別立廨舍既享尊富又受女侍諸僧欲效之
什聚針盈鉢掬食之曰能食此者方許效我蓄室衆愧服
什覺四大不愈口出三番神咒令外國弟子誦之以自救
未及致力轉覺危殆乃力疾告別於衆前發誠實誓若所
傳無謬當使焚身後舌不焦爛及卒即於逍遙園依外國

後燕

慕容熙

北始

元興

十景

水仙

六代師

張椒

法以大焚屍薪滅形消唯舌不灰時西北諸國皆歸於秦

東北後燕主盛殂子熙立改元光始魏占中州為東西屏蔽晉

有星孛於天津壬寅春改元元興南郡留江玄致賤貴會稽父

子元顯以牢之為前鋒討玄軍自寧遠玄遂入斬元顯徙

死道子牢之走新州縊死敬宣在秦熙無玄總執朝政孫恩

復寇臨海台州刺史辛景擊破之玄海死有從死者其

黨名為水仙玄聞鄱陽張天師有法恐其生亂奉帝命召

之不至五代師昭成壽百十九歲而化面色如生墓產靈

芝百本或見白鶴往來啟棺視之惟存冠履子椒德

博通儒書月夜遊鄱湖一老翁登舟進曰聞師家以仙道

龍伯

七代師

張回

立教願拜下風而無階可進不意仙踪遠駐近津獲挹光
儀乞示蘊奧以救昏愚師告曰昔者得道之士皆由皈戒
而人然質心於戒莫若質戒於心則萬法皆空一真常存
翁知師已覺起謝而去從者皆見異光水天一色問其故
師笑曰此龍伯也大道未聞故來請耳師居山多神跡遠
近播聞時年百餘歲少子名回初能言即問道是何物衆
不能答慨然失笑而歎五歲欲傳經籙父曰且讀儒書對
曰祖書不讀讀他書何爲師深異之至是晉使索徵師終
不起歎曰居此濁世我當避嫌往賀許氏王昇也遂令回
嗣教年十歲叔即屍解許真君除蛟孽後聚族居閭皂山

本名合宅謂

舉家有也 有女名闐少得家傳道妙適建城黃仁覽日

先仙學盡傳其法後仁覽任青州單騎之官留闐奉侍公

姑一夕家僮報院中夜有語笑聲姑訊之闐曰黃郎爾姑

曰吾子從事數千里安得至此闐曰彼已得道能頃刻千

里戒在漏語故不敢令知姑曰若然當使我見方信是父

仁覽歸闐告以故躊躇不得已比明仁覽乃出謂父母曰

仁覽雖從官遠鄉夜必潛歸膝下仙道秘密泄言恐招譴

累取竹杖佐青龍乘之而去仁覽妹聞兄嫂有道術即往

拜求闐遂傳以道要因號仙姑值吳真君葬母於臨江軍之新

淦縣仁覽妻妹皆會送葬仙姑以爲離家靜修證道更早

黃仙姑

宋城宗旌
垂賜建仙

始觀復收

黃仙靈應

觀水旱

疲祈禱

應有仙墓

仙非仙壇

鄉石泉井

因名火

顯

町烈

今見石壁峭立有井竈壇場願依吳母基修煉父母不能

強後得吳真君乘白鹿寶車來墓教以太道先自白晝飛

昇留下煉丹石一片石受丹大歲久不冷每提餅水於上

不火自湯一名吳嶺名為沸石見姝輕舉亦願遠俗挈家

往依閣宅後即其居地建祥符真君有姊初適盱門外泥

世俗而內修真要常云我千年前曾居西山世累消息當

歸真於彼未幾而寡有子名烈字道微事母以孝聞家貧而

營侍甘旨未嘗有闕吳許一真居洪厓山築壇立靖時以

寶符真錄陞俗救民許君每朔望還家朝拜祖光父母咸

見其乘龍逕速加咫尺盱烈曾仕州為記室簿篤忠孝真

君委用之烈奉母結廬於舅宅東北八十餘步。旣母常採
擷花果以奉弟真君。惜姊甥志誠以成丹與之。元興二年
八月朔旦有二仙乘雲車而降。云是玉真上公崔文子太
玄真卿。殿丘仲奉太上玉帝冊命徵拜真君爲九州都仙
太史高明主者大使之職。并告以冲舉之日而去。真君謂
旣君母子曰。我奉天帝命不得久留。汝可後隨即賜靈藥
服之。躬稟真訣。悉召施甘彭抗等徒衆及閭宅眷屬語知
其故。適遠遊。夫妻去思。父子俱至。亦告知之。是月望日午
時。天樂遙聞。祥雲旋繞。從官兵衛玉女仙童旌旄節。慍前
後導從衆。揖真君昇羽蓋龍車。臨行垂誠曰。上昇後五陵

許千夫婦

之內常有八百人得仙。豫章江中生大洲橫過江口，是其時也。遂合親族侍從，肝烈與母部仙眷四十二口女，闕同公姑仁覽三十二口，同時白日拔宅昇天。雞犬亦隨，百里內外異香芬馥，甘露湛如羣鼠，亦隨之上。真君恐傷天物，悉令跳下，腸出而不死。其地有拖腸果種。肝母壇靖，鄉人不敢華。纔蓋母子會約故也。世號肝母靖，當仙仗行時，闕釵偶墜下其地。成洲有許氏墜釵洲。役夫許千同妻運米出市，聞之奔馳號泣。真君憐其誠篤，投一石函，中有論九篇。乃上品機關，非丹術小道。千夫婦中之居隱，投宅基傍。後為地仙。時桓玄思欲受禪，謂代謝之際，宜有禎祥，令有司詐言臨平湖開。江州甘露降，遂矯詔，禪

楚桓立

元永始

平何無忌

十劉毅

十毛璩

義熙

口譙縱

張璠

麻衣

李和

位立人建康登御床地忽陷

國號楚改元永始

甲辰春劉裕與何

無忌孔靖劉毅等起兵京口玄敗走益州刺史毛璩迎斬

之年三十六纂

裕召敬宣還宣見景象垂出晉必復興嘗

夢神人與土一丸服之覺而喜曰九桓也桓土既吞吾富

復歸故鄉乎乙巳春改元義熙時盜開下壺墓面如生瓜

甲環乎背帝賜錢十萬封之蜀人殺毛璩擁叅軍譙縱為

成都王

周

後丙午夏荆襄大旱居民張璠等聞內鄉石掌山

隱者麻衣子李和有道率眾往請麻衣答以無術法牛而

紺髮美姿稍長厭世穢腐入終南養靜遇道者謂曰予文

始也觀子骨法當仙因傳以道要戒之曰

董幼

南陽之閭、端水之陽、有山、靈堂巖洞、其旁神開汝鄉、汝則往之、可以翕神於蒼茫、

藹畢曰、余奉太乙旨、往海陵傳道於董幼子、謹修之、道成

伏一筆

可晤也、遂昇空而去、和如言往求、遇樵者導至其處、見山洞若堂、處中十有九年、人見其冬夏恒著麻衣、故號之紫靈山、有水、冬夏常溫、因名陽谷、時往沐浴於中、一夕有少年十二人、謂曰、衆再請雨、但許之、可得和怪而諾之、請者復至、和語衆曰、汝第去、雨即至也、翼日果大雨、禾乃復蘇、十二少年來拜曰、吾屬龍也、上帝以師道業成、令輔行化耳、和謝遣之、時鄉民謂懇甚、衆別隱於歙之黟山、涿蘓昌

黎等處連年不雨是秋慕容廆為高雲所弑後燕四世共二十四年

雲自立實養子高句麗支戊申秋雲復為幸人襲殺中衛

將軍馮跋討亂眾推立之明年建號太平嚴成邊戍以防

魏魏太史屢奏天文乖亂珪自覽占書謂當改王政改元天賜

珪初滅劉衛辰其子勃勃奔秦魏間其內外勃勃遂謀叛

秦為夏后商稱大求婚南涼得檀不許勃勃破之秦以南

涼多難往討僭檀出奇兵勝之諸降秦者皆叛蒙遜復稱

涼王乾歸奔隴西建元魏方欲謀燕少子紹殺珪諸大臣

執紹殺之齊王勰即位為太宗改劉裕聞北方禍患乃收

攬英才成薦北海王鎮惡五月五日生家人以為俗忌其

祖猛曰孟嘗此日生而相齊是

高雲

正始

北燕

馮跋

太平

魏

天賜

劉衛辰

夏

赫連

能升

西秦

更始

拓跋

魏

太宗

劉裕

甲子錢惡

兄亦將興焉

召為參軍。已酉夏，裕親行伐燕。南燕起

德兄子已

慕容超

五年建

元太上

去歲四月，祀南郊，有獸似鼠而赤大如馬，來遊

壇側。須臾，大風晝晦，羽儀帷幄皆毀裂。超大懼，歸問太史

成公綏。綏曰：「遠賢良，重賦稅，所致竊恐有開國祚。超不聽。」

綏歎曰：「知而不言，是失職也；言而不從，是失德也。」綏初作

章安令，得神女之秘，善識天象，為世地仙。偶遊青齊，暫領

史職，知超將亡，遂去而之南。聞海陵董幼得道，往訪之。幼

又以成公作引

兄弟三人，惟幼多病，早喪父母，念其體弱，不令治家。年十

八，謂母曰：「幼病困無能，徒累二兄，欲依道門以度一世。」母

許之，遂投道院為弟子。恭謹勤修，長痛篤志，二十餘疾亦

有道

仙不傳也 卷十二

華鼎

不作年四十一夜有真人降其室云是文始先生奉太乙命來授子道要以一軟玉鞭與幼令鞭水行之如履平地一日還家辭母云已聞道不復留人間母曰汝往何處幼曰應在峨嵋更受道業未有歸期申表鄉鄰共送至區陽西江見令鞭水而行回顧舉手作別漸遠不見綬來訪已去數日欲往減崙因蜀道未通暫止臨江慕容超聞劉裕兵敗逆賊被獲送建康斬之壬子八年詔劉毅領荊州毅惡裕威權欲討之恐不能敵聞會稽嚴晉助傳賀道養之術召之山陰賀家世以儒術顯道養獨工西人以比之管輅里中有好女子善歌無病忽死道養為之卦成笑

嚴晉卿

賀道養

魏序
盧循

曰此非死也。嶽帝召之歌耳。諸人不信道。養乃取土塊加其心上。俄頃而蘇。共問之。女子云。適為黃衣吏所召。至帝所。見庭懸方作樂。間命歌。歌畢而返。殊無苦也。眾駭服。所驗甚多。後傳於晉卿。占亦神驗。嚴有同鄉。魏序欲暫東行。時盧循妖黨劫掠。令晉卿占之。曰不可行。必遭暴害之氣。而非劫也。序怪而未信。晉卿曰。若必行。宜以襪之。可索郭外。獨母家白雄狗繫於舡前。始得免禍。序如言索之。止得駁狗無白者。晉卿曰。駁者亦口然。猶恨其色不純。當餘小毒及六畜類耳。無所復憂。序行半路。狗忽作聲甚急。如有物擊之者。比視已吐黑血死矣。其夕墅上白鵝數頭無故

自死而序家人俱無恙至是毅使筮卦辭曰

不得於京當慎於恩痛於沙門之經

劉籓

更問之晉卿曰公欲自安莫如勿動毅不從使弟籓在京

託謝混表求兖州刺史裕即宣言混籓謀叛收誅之令崩

十蒯恩

恩假籓除職歸賺入江陵鎮惡大軍繼之毅走投佛寺僧

十朱齡石

拒之毅自縊死癸丑九年裕為太尉命朱齡石伐蜀縱走

西秦
熾磐

死蠻地裕既平荆蜀專志北方西秦乾歸殂子熾磐立改

永嘉

永嘉北凉蒙熾磐襲取南凉傳檀降南凉三世夏勃勃築

北凉
玄始

都城名統萬改元鳳翔改姓赫連甲寅魏改魏太史奏熒惑道

鳳翔

在城中忽不見八士餘日於法當入危亡之國嗣召明儒

大史
永和
永和

擬其所向崔浩曰亡在庚日主西方其在秦乎後數日果
出東井留守鈞已乙卯春秦主興沮子泓立改元永和國中太
子昆明池竭童謠曰

熒惑入國人不安間歲凍金火復寒

劉穆之

劉裕將伐秦以劉穆之為左僕射摠攝內外拜鎮惡為征

西涼

西將軍裕率大軍繼後進克洛陽丁巳秋至潼關時西涼

李歆

李嵩卒子歆立遣使納降北涼遷遠弗至姚泓詣鎮惡壘

門降泓少事鳩摩羅什得領義理至是乘隙遁去裕擇一

晉胡報復

相似者代送建康斬之後秦三世共忽報穆之卒裕決意

劉義真

東還以次子義真留鎮鎮惡勸之夏王使子瑁攻長安沈

十赫連瑨

十沈田子

魏夫人

劉璞

魏舒

田子刺殺鎮惡義真執斬田子戊午裕進爵宋公聞報召

義真歸裕遣使召楊義為侍中辭以年老不赴義於康帝

居藩時曾為舍人及帝入繼大統即不仕與長史許穆同

志遇南嶽魏夫人長子璞並傳道法夫人名華存字賢同

徒劇陽文康公魏舒之女玉骨冰肌蘭心蕙性

孫思之亂杜弼已知蓋凡易姓受命之始必有一番變

故如桓玄孫盧等皆劉宋之先驅也

許真君得道而親戚俱仙如肝烈母子彭抗仁覽遠遊

長史等可稱仙家巨室

麻衣得傳道要居山靜鍊道成而神龍自來輔化可知

董幼與李和俱得太乙度去於峨嵋必有根蒂

格之於晉絕似曹之於漢司馬之於魏固知報復不爽

穀亦人傑而半籌未展天意在裕也嚴君之上不惡君

○○魏夫人成藥劍化

○○寇天師新科行誠

劉文

幼而味真耽玄常欲獨處父母不許年二十四強適太保

劉璚

璚南陽劉文字幼生子曰璞曰璚幼彥為修武令夫人心

安度明

期幽靈精誠彌篤二子粗立乃離隔宇室齋於別寢將逾

景林人

三月忽有太極真人安度明東華大神方諸青童君扶桑

華散條

碧阿暘谷神王景林真人小有天王清虛真人王褒來降

李明允

褒謂夫人曰聞子密緯真氣注入三清勤苦至矣命侍女

華散條李明允等使披雲縕開玉笈出太上寶文八素隱

書大洞真經靈書八道紫氣炎光石精金馬神真虎文高

仙羽玄等經凡三十一卷授之景林亦授黃庭內景經令

仙羽玄等經

凡三十一卷

授之景林亦授黃庭內景經令

讀之萬遍能安六府調三魂五藏生華色返嬰兒不死之
道也夫人拜受四真常降教以道要後幼彥卒中原將亂
夫人携子渡江道法悉授於璞歷仕至侍中璫爲陶侃從
事中郎將咸和九年王褒青童復降授夫人成藥二劑一
曰遷神白駒神設一曰石精金光化形靈丹使服之凡七
日太乙玄仙遣飈車來迎乃劍化而去陶真白真語所稱南真時年八十三
復精修陽洛山中張道陵降授明威章奏存祝吏兵符籙
之訣又十六年白日昇天北詣上清宮玉闕之下太微帝
君中央黃老君三素高元君上清玉晨道君太素三元君
扶桑大帝君崑山金母金闕聖君南極元君各令使者授

王礼金文位爲紫虛元君。領上真司命南嶽夫人。比秩仙公。使治天台大霍山洞臺中。主下訓奉道當爲仙者。使夫人於王屋小有天中更齋戒三月九微元君王母三元夫人命諸神仙隸屬及南嶽官吏。虎旂龍輦。激耀百里。並送詣山臺安駕玉宇。興寧三年夫人降楊羲家。謂曰。修道之士不欲見血肉。見而避之。不如不見。蓋已死之物。即爲屍說得明氣觸之最能敗真。而况可食乎。吾昨與茅叔申真若詣清虛宮校仙真之籍得失之事。頓落四十七人。復上者三人耳。故當洗心虛適。勤注理靜。若抱淫欲之心。行上真之道者。清宮所落皆此輩也。豈止落名生籍。方將被考於三宮。

勉之慎之。宗道者。貴無邪。懷真者。安恬愉。精而不勤。能而不專。無益也。又曰。得道去世。託體留跡者。道之隱也。視其形如生人者。足不青。皮不皺者。目光不落者。髮盡落而失形。骨者皆尸解也。若非比例。死經太陰。暫過三官者。肉脫脉散。血沉灰爛。而五藏自生。骨如瑩玉。七魄營待。三魄守宅者。或三十年。二十年。十年。三年。當血肉再生。復質成形。必勝於昔日之容。此名煉形太陰。易貌三官之仙也。天帝云。太陰煉身形。勝服九轉丹。形容端且嚴。面色似雲。上登太極閣。受書爲真人。是也。凡尸解。白日爲上。夜半爲下。向暮向曉爲地下主者。此得道之差降也。地下主者。乃下

反覆叮嚀

道之文官地下鬼師乃下道之武官文解一百四年一進
武解倍之當歸心於一任於永信心歸則正神和信順利
貞之兆自然之感無假兩際也義再拜受教夫人贈以詩
曰

左感妙象外和聲自相招靈雲鬱紫晨蘭風扇綠輶上
真宴瑤臺邈為地仙標所期貴遠邁故能秀穎翹翹彼
八素翰道成初不遼人事胡可預使爾形氣消

遂去於撫州并山立靜室復於臨汝水西置壇宇累世顯
化義遵教精勤不怠至六月望夜又感紫微王夫人與九
華安妃二十三真人十五仙女降室傳太上命授義為玄

清真人許穆爲上清真人。玉斧爲循行真人。義常與穆父子戒。最曰學道當如射箭。前直往不顧。乃造棚的。操志入山。惟直往弗疑。乃獲至真。穆曰學道如穿井。井愈深則土愈難出。若不堅心正行。豈得見泉源耶。玉斧曰學道專精。寂焉如客有所觀。默默如潛有所得。乃就道之門也。若幽寂沉味。保合太真。就正六府。無視無聽。乃道之易也。至是皆成證果。義先劍解去朝。見諸真。魏夫人領往方諸受職。經行貝丘。見山下一人。隱隱有青氣。浮頂停雲。問之云。是北海蓬球。在此苦守整百年。唯服松栢專候仙真憐度。夫人慰之曰。我往東華奏聞。自有宣旨。與義駕雲去。球盼望。

△李奚子

△李惠

△趙熙

無已越旦有青衣女童傳命曰奉郭仙姑言來請蓬君球欣然隨至山頂見一女真笑迎曰睽晤日久猶能記憶乎球仰視思索彷彿似乘鶴後來者點頭曰然女真曰我是漢時郭夕藥自得道尸解後或遊玄州或處方諸臺君昔所見者是韓西華王進賢田六山薛玉華蔡元暉今日會度李奚子入居華陽洞君可與會熟識諸真也球曰奚子何品夕藥曰即晉舉平太守李惠之祖母與夫貞節丘園性惟慈德專一其志每遇雪東積穀布於庭堦恐禽鳥飢死夜必蓄食爲鼠糧用心大率如此故當度之球問華陽有何主掌郭曰漢幽州刺史趙熙少有善行救王惠等族

二趙阜

丁淑英

素臺

仙傳卷十二
誅有陰德數十事。一子名阜有危難。遇朱陵仙嬪丁淑英。謂曰。因爾父救濟窮困。上感皇人。今授以道。要更引其父子形詣朱陵洞天。熙教其女素臺。亦得大道。自此數遊三清司命。皆來聽政。華陽有宮曰易遷。素臺在宮已四百年。不肯轉徙。自以天下無復樂於此也。常微服遊行。盼山澤以自足。南土除崑崙外。有女真都會處者三。一曰玄州。有主仙道君之侍女王抱臺所掌。一曰方諸臺。西王母命趙愛兒主之。三曰易遷宮。即素臺所轄也。若夫貝丘偶為休憩仙鄉之下院也。球問主仙道君何真。郭曰。玄妙無坐元君也。球又問三處衆真如何。郭曰。華陽稱最周暢。女愛支

竇時

劉春龍

郭叔香

從南宮受化來洞中爲明晨左侍郎朱寓母張桃枝爲右侍郎張微子久處易遷今陞理含真臺洞天有桓帝甥傳禮和代掌矣竇瓊英竇后爲其六代祖峙常葬枯骨活死囚故後祚及焉李廣利之婦韓太華安國妹也因廣利宿世有功德同受化南宮與二竇俱在易遷漢宗正劉奉先之女春龍魏武時郎中令王修之母郭叔香以其先世皆有陰德於民故得化形煉影入居侍郎之汪仙家以良才舉之不限男女也球拜領其教勺藥贈服生羽丹身輕若舞即引至華陽山洞謂曰君須先拜協晨夫人方得進謁球問爲誰勺藥曰漢司徒黃瓊女景華也位爲總教領九

宮諸神女得出入易遷球隨入參拜庭下夫人命侍女扶起曰蓬君久踳躑矣球鞠躬旁立有頃玉聲聲響夫人曰上宮羣仙畢集可往會見球從上登一路曲檻雕欄歌臺舞榭再上有金城玉殿珠室瑤樓既至宮窺其中有仙姝無數並天安嚴麗駭衆儀冠才識煒燦語言朗清夫人勺藥先入與衆施禮向一女真稱賀勺藥前達球事趨出引入逐一拜見在旁宣揚名號皆頃所聞過者猶有不能記憶數十輩忽聞鸞鳴鶴唳空中傳呼曰道君駕到衆仙仰空拜迎隊仗幢幡開處道君下輦左右麗褒二女仙扶掖正坐宮殿受參謁畢啟口曰奚子得證仙籍可慶手授紅

露達

玉丹經以弊之。奚子捧經拜謝。時球隨班下列。道无招近。諭曰。子本蓬島小童。爲犯清律。謫世故。前得晤衆仙。不當向俗人傳播。故復見遲滯。幸爾堅志苦修。百年乃見。頃魏夫人至。方諸臺爲子懺悔。帝君特許歸真。有口不令。即返本元。且再居世百年。自能尸解復位。球長跪泣曰。宿犯過惡。深自返恨。但獨世歲長。實難排遣。道君賜以玉三連環。曰。常以此爲弄物。環相脫則當還也。遂起身謂衆曰。奚子既謁羣真。宜與偕朝。西母衆曰。諾。乘輿昇去。球目斷重香。原歸止貝丘。聞宋公已代晉矣。先是太史令駱達告裕曰。義熙元年至。今太白晝見經天。凡七占曰。太白經天。人主

更異姓辛亥五虹見於五方占曰五虹見天子黜聖人出

甲寅鎮星歲星太白熒惑聚於東井丁巳鎮星入太微占

曰鎮星守太微有立王有徙王天命已歸弗可違也裕以

識云昌明之後尚有二帝密使帝左右弑帝在位二十二年

恭帝德文

立瑯琊王德文恭帝已未春為元熙裕進爵宋王是冬岷泣

元熙

黑龍西升於天庚申春有釋氏法柳自稱冀州道人同一

法柳

弟子至宋府前指僚屬大言曰嵩神言江東劉將軍漢家

苗裔當受天符吾以璧三十二鎮金一併與之劉氏卜世

之數建武至建安末一百九十六而禪魏黃初至咸熙四

十六年而禪晉泰始至今恰一百五十六凡禪咸窮於大

傅亮

宋高祖

劉氏主滅司馬

李衡

十道濟

今又天垂景象可速脩儀禮俗召八問曰孤既代晉世祚

如何柳曰亦不出乎六但能足其數耳與徒飄然而去裕

喜足數之語約並殷商六百年矣傅亮勸帝書詔為壇於

南郊迎裕即位國號宋改元永初夜令人殺晉帝在位二

十七東西兩駱達改太始曆為永初曆社以子臘以辰是

歲西涼李歆卒子恂立明年北涼蒙遜乘喪滅之時宋魏

北燕西秦宋禁淫祠自蔣山神以下皆絕之蔣侯加爵相

國大都督封王王戌春義真自敗歸病卒宋主成疾夏五

月召徐羨之傅亮謝晦檀道濟同被顧命遂殂在位三年

太子義符立史稱少帝謚父高祖武帝葬京陵明年改元景平魏攻取洛

少帝義

景平

魏世祖

光

錫非老莊
道士

成公興

華藏

陽嗣感風症殂子肅立

世祖太武明

肅素好道術常置道

士千人詔立天師道場光祿大夫崔浩不好老莊書曰此

矯誣之說不近人情老聃習禮仲尼所師豈肯為敗法之

書以亂先王之治乎尤不信佛嘗曰何為事此胡神魏主

左右毀浩謗訕道佛肅命浩以公歸第浩

字伯淵武城人

白晳如

女子博學有心計自謂才比張良而稽古過之既歸修服

食養性初嵩陽寇謙之

字輔真昌平人

寓於許弱年多道心不依

宗精勵累年一旦得真人成公興來語以丹旨乃隨入嵩

山興令食藥藥皆惡毒謙之懼而走興意其苦修弗得真

道行將退志不必效壺公試也遂分以成丹謙之既受不

敢即服。必欲積功立行於世。聞龍虎山張真人有濟世符法。乃與徐道季往求天師。感其誠。親絳齋。授之謙之。遂以符章救治疾苦。往往神驗。謂之新科符錄。東至會稽王疑之。師事之。謙之曰。子神清骨俗。未可學道。但勤修政事。身安而民寧矣。疑之執意拜求。謙之勉與陰符一册。令着意修省。復遊幽冀間。民賴以活者萬數。北方多稱寇。天師焉謙之復南遊。沅臨辰溪麻陽有齊天山。層峯高出雲表。天晴則秀色愈奇。知其中有異人。訪求得見。河上公語道與成公典所言畧同。退而省之年餘。覺有所得。始服成母崔浩隨征至洛時。知嵩山有寇。道士修道陵之術。能辟穀輕身。因率導從

李譜文

仙本傳卷十二
道宜乎不得

華篇

千人詣山訪問竟日不得既還平城代人李譜文遇神人授圖籙真經不辨其字聞崔浩博聞稽古呈觀之浩識其大概莫測淵微因錄其經以原本付還曰近世有寇公者精通道法子可虔往質之譜文齋百日捧經籙入嵩即得見寇顧經曰子壽命不長註明此經將二十載非輕易聞教子當期於來世譜文怏怏拜別歸告於浩浩如睡覺未幾譜文卒浩獨師其術閒居以所錄經籙推演其畧敷陳成集大約修真養元為內要征戰政治為外要合陰符素書之義獻於魏王召浩講之始明肅乃內習導引外親武事魏國愈強時南國曲阿丹陽縣王纂者初居馬跡山為道

士仁逮蠡類。值西晉末，兵荒疫癘，城野死亡枕藉，纂於靜室，飛章告玄。三夕中繼之以泣，明夜有光如晝，瑞風景雲，紛郁空際，俄而異香天樂下集，庭中介金執銳之士三千餘人，羅列若有所候。頃之，珠幢寶幡，蜺旄羽節，錦旆虹旂，相對前引。又四青童執花捧香，二侍女捧案地舒文席，前立巨屏，左右龍虎將軍侍從，官將各二十許人，立屏兩面，若作脩衛班列，肅如也。湏臾，笙簧異響自北而至，五色奇光灼爍，豔逸一人佩劍持版而前，告纂曰：太上道君至矣。百寶蓮花大座上坐，道君有二真人，二天帝旁侍，憑空下降，纂拜手跪伏。道君曰：子愍念生民，形於章告，剖心投血。

感動幽冥地司列言。吾得以鑒於子矣。纂匍匐禮拜道君。
告曰。夫一陰一陽。化育萬物。而五行爲之用。五行且有相。
勝。各有盛衰。代謝推遷。間不容息。是以生生不停。氣氣五。
勝。億劫已來。未始暫輟也。得其生者。合於純陽。升於天。而。
仙。得其死者。淪於至陰。在地而爲鬼。鬼物之中。自有優劣。
強弱。剛柔。善惡。與人世無異。王皇天尊。慮鬼神之橫害於。
人。常命五帝三官。檢制部御之。善政不少。異聖人自至公。
魏夫人仙質本高。所以諸真勤勤指示。及證位南嶽。較。
諸男子修道者。更自高一頭也。
楊義能避俗自修。故夫人親臨教誨。然其訓語傳於後。
世。又不獨教義也。
謙之得成公興之丹。不欲即服。立願濟世。宜于河上公。
與天師俱樂授其道。

○○乘舟空裏龍爲御

○說法山時石點頭

律令刑章固不明，倂然而季世之民，澆僞者衆，淳源旣散，
妖詐萌生，違綱常之教，自投死地，由是六天故氣，魔鬼之
徒，興歷代以來，敗死軍將，聚結爲黨，戕害生民，駕雨乘風，
因衰伺隙，爲種種病，中其傷者，極多，亦有不終天年，罹其
天枉，昔於杜陽宮出神咒經，授真人唐平，使其流布，以救
民物，世人見王翦白起之名，謂爲虛誕，此蓋從來將領，生
爲兵統，死爲鬼帥，有功遷爲陰官，殘虐猶爲魔鬼，乘五行
敗氣，爲殄爲疫，然惟陽爲憚，以神咒服之，自當弭戢，今以
神化神咒二經，復授於子，接行拯護，萬民命，侍童拔九光

唐平

之韞出二經及三五大齋之訣授曰勉而勤之陰功克成

真階可冀也言訖千乘萬騎西北而舉還於上清纂按經

品齋科行於江表疫毒鎮弭生靈又康近有唐道士來訪

相與入函關去南方奉行其道蒙福者不勝紀數宋主義

行居喪無禮甲子秋顧命諸臣廢為營陽王尋殺之在立

立都王義隆太和改元元嘉丙寅三年詔暴徐溥謝罪悉

收誅之徵謝靈運為秘書監立之顏延之為中書侍郎立

孫靈運襲封康樂適情山水雅慕南康石壁之勝躡屐以

遊遂築精舍憩焉魯人孔淳之字彥深居會稽剡縣每遊必

窮其幽遐過沙門法崇留三載及還不告以姓與徵士

宋

文帝

謝靈運

顏延之

孔淳之

崇

○戴顓

○王弘之

○王敬弘

○陶潛

一陶茂

○陸修靜

一周續之

○孫遊岳

顓王弘之王敬弘等為塵外之遊至是復徵淳之棄家人

逃於上虞丁卯四年晉處士陶潛卒初名淵明或云陳明字元亮柴桑人倪之

曾係武昌太守茂之孫少有高趣嘗為彭澤令八十日郡督郵至吏

白當束帶見之淵明曰豈為五斗米而折腰耶即解印綬

歸去後徵著作郎不就隱於南康之栗里植五柳於宅邊

因以為號作傳以自况夏月高卧北窗清風颯至自謂羲

皇上人性不解音但畜無絃素琴每朋會則撫而和之曰

但識琴中趣何勞絃上聲與陸修靜周續之釋慧遠等為

世外交修靜字見寂吳興東遷人目具重瞳鬚分五綵掌有篆字背

有斗文博精象緯初從孫遊岳學道後遇浮丘子煉丹於

山在長沙益陽頂有石亭修靜師之得其道為簡寂觀主結社廬山

一日若趣裝將行忽尸解去其居後為太虛觀中有修竹是其手植出苦笋而味反甘

慧遠卜居廬阜影不出山送客率以虎溪為界過則虎輒

鳴號偶與淵明修靜語道契合不覺過溪左右言之三人

劉遺民

大笑東林寺前虎溪三笑集與劉遺民雷次宗竺道生宗炳等十八

雷次宗

人結蓮社謝靈運為於山後鑿池植白蓮於中惟淵明至則許飲酒靈運

竺道生

求入社以心雜不許遠公年八十有三卒淵明愛菊遍植

宗炳

東籬開時獨對舉杯吟嘯自得及宋受禪累辟不應著羣

翟氏

輔錄以見志其詩賦文疏行真自得妻翟氏亦安勤苦生

五子

五子皆隱卒年六十三世號潛節先生宋主好賢徵豫章

雷次宗至築室鍾山西巖曰招隱館次宗讀陶詩採菊東

籬下悠然見南山歎曰淵明其得道者也宗炳字少文武南陽人

帝辟為主簿不起栖山飲谷三十餘年愛遠遊輒忘歸西

陟荆巫南登衡嶽有疾還江陵歎曰唯澄懷觀道卧以遊

之凡所遊履皆圖之於室曰撫琴動操欲令衆山皆響古

有金石弄惟炳得傳帝遣樂師楊觀就受炳勸恤民脩邊

帝善之時夏勃鞞子昌立改元承元崔浩謂魏主曰太白入

斗分主夏削地遂伐統萬昌奔蠕蠕國壽獵朔方得白牝

鹿如特蓄於苑改元神鹿夏人立赫連定於長安子璜稱臣於宋

約攻魏庚午春帝開錢唐徐道度善醫徵之道度之祖熙

徐道度

△楊觀

○夏主昌

神鹿

神鹿

口夏主定

△徐道度

是長桑君否

華蓋

△徐熙

仕晉為濮陽太守好道隱秦望山有道士過求飲留一胡

盧曰君之子孫宜以道術救世亦得二千石熙開視乃扁

△徐秋夫

鵠人鏡經熙因精究其理名震海內子秋夫繼其業宅於

△杜道鞠

吳溝橋東曾醫鬼病推重當時至道度已歷三世生而病

△范悅時

足帝令乘小輿人為諸皇子療疾無不奇効授蘭陵太守

△褚欣遠

同時有杜道鞠善琴范悅時褚欣遠善模書褚胤善奕帝

△褚胤

稱錢唐五絕是夏詔到彦之北伐司充既平十一月魏遣

十到彦之

將南侵虎牢不守彦之急還辛未檀道濟進至濟上十餘

猶墨龍同智

戰多捷食盡引還乃唱籌量沙魏不敢追夏主乘間攻西

如龍排帽

秦熾磐已殂子纂永立戰收降魏已賺取長安定奔北涼

西秦

義和

魏

義和

魏

義和

魏

義和

魏

義和

魏

義和

魏

義和

魏

義和

魏

義和

魏

義和

魏

義和

魏

義和

魏併有秦秦四主凡四十七年西
曰年壬申

以古弼為尚書令質朴好直諫號筆公以弼有族子元

之少養於弼因飲酒而卒弼憐之甚殮三日聞棺中剝啄

聲急啟已生矣驚喜問之元之云昏醉時忽覺沃冷水於

體仰見一人衣冠絳裳霓帔儀貌甚俊顧我曰吾乃古說

是汝遠祖適欲至和神國無人擔囊侍從因來取汝即

令負一大囊可重一鈞又與一竹杖長大餘令乘之隨去

飛舉甚速常在半天西南行不知里數山河逾遠頽然下

地已至和神國其國無大山高者不過數十丈皆積碧珉

石際生青彩簾條軟草香媚好禽嘲嚙山頂皆平正如砥

清泉迸下者百道原野無凡樹悉生百果每樹花卉發寶

色鮮紅翠葉四時不改唯一歲一度暗換花實更生新嫩

田疇盡長大瓠瓠中實俱五穀甘香珍美非中國稻粱可

比人得足食原隰滋茂藹穢不牛樹木枝幹間悉生五色

絲綱人得收取任意織絰四時之氣常熙熙和淑如中國

二三月無蚊虻蟻蜂蝎字宮蜈蚣蛛蟻之屬亦無虎狼

豺豹狐狸鷩駮之獸又無猫鼠猪大擾害其人長短妍蚩

皆等無有嗜欲愛憎人生皆二男二女為隣則世世為婚

姻笄年而嫁二十而娶人壽一百二十中無夭折疾病瘡

聾跛瘻之患壽盡則欬然失其所居雖親族子孫皆忘其

不生一

男一女永

無增減若

妄生加倍

何以容之

儂既盈饒
何所不足

而為僕婢
耶

返僕還淳

日比華胥
更勝人耶
神仙不殊

人故常無憂戚。每日午一餐。中間唯食酒漿果實耳。餐亦
不知所化。不置。澗所無私積。困倉餘糧。棲面無灌園鬻蔬。
野菜皆足。人食十畝。有一酒泉。味甘而香。日相携遊。覽歌
詠。陶陶然暮夜而散。未嘗昏醉。或汲而歸飲。其泉不竭。僕
婢皆自然謹慎。知人意。屋室壯麗。有馬散於郊野。隨人所
乘。乘訖却放。亦無主守。其國千官皆足。雜於下人以無所
操斷也。雖有君主而雜於千官。以無所升貶賞罰也。無迅
雷風雨。其風輕如煦。襲物不搖落。十日一雨。雨必以夜。津
澗條暢。不致淹流。國人皆自相親如戚。無市易商販。以
大開頭。
不求利故也。向我細說風土。曰。此國雖非神仙。俗亦不惡。

陽翁雍

徐氏女

明

亭在此台

汝曰當與世人說之。因以酒飲我滿飲數巡不覺醉也。弼

此老無事

以為神仙託名醒世耳。自是元之疎逸人事都志宦情遊

行山水自號知和子。一日忽不歸。後有見其與陽翁雍伯

同行容顏不改。皆謂其得仙矣。陽雍伯者廬龍人事親以

孝特行

子父母歿葬無終山雍伯廬於墓側晝夜號慟山高無水

水亦不

神明感之出泉於其廬旁雍伯因引水就直道以濟行人

是濟

歲歉以麥漿濟貧嘗有飲焉者以白石子一器與之粒如

已定山

某子曰種此當生美玉伯依言種之果得白碧數雙此乎

徐氏有女伯欲求婚徐謂媒曰得白璧一雙為聘方可伯

進以五雙白璧遂婿徐氏數年雲龍下迎夫婦俱昇天馮

草

大興

北涼

張健

永和

張慎

魏大延

北燕

二馬異

口瑯琊王

褚思莊

夏赤松

跋聞之為立玉田坊於居處未幾跋殂子弘立改元大興西

春北涼蒙遜殂子牧健立改元永和有父老投書於敦煌東門

求之不獲書曰涼王三十年若七年牧健以問奉常張慎

慎曰昔號之將亡神降於華願陛下崇德修政不然臣恐

七年將有大變牧健不悅北魏勢大乙亥改元太和子秋代燕

弘奔高麗燕將復立其弟異於昌黎魏虜異歸北燕三主共二十八

年聞宋殺檀道濟咸相喜慶宋主志在進取好及圖蕃於

是江左多能暮人瑯琊王抗得石室秘譜精鍊既久為當

世第一品吳郡褚思莊會稽夏赤松為第二品赤松思遠

善於大行取勢思莊思遠巧於鬬子攻堅而抗兼得之有

弗且專登卷十二第八節六

何尚之

童請府求爽抗意甚忽勉饒其先局未竟抗子所活無幾乃覆局再奕凝神構思復輸七子因致問姓氏童脫壁上掛弓曰此子姓也逕辭去自言曰此我山中第六手也抗送出忽不見宋土稚好藝文戊寅春立四學何尚之玄學

何承天

何承天史學高元文學雷次宗儒學已知以衡陽王義季

劉義季

都督荆襄卒常春月出敗有老父被苦而耕左右斥之父

劉義季

曰今陽和布氣不耕則失其時奈何以從禽之樂而驅斥

老農也

季曰賢者也命賜之食辭曰不奪農時則境內皆

馮伯達

飽何敢獨受賜遂去季令踪之乃知其姓馮字伯達豫章

建昌人世奉吳許之道孝弟精進濟物利民常往來荆湘

西范豺

間季薦之於朝，陳辭得旨，欲官之。以年老辭歸下都。後寄載鄉人南還，行至梅根，阻風連日。伯達謂船主曰：「欲得速至家，但安眠，慎勿開眼。其夜聞舫下刺刺杪杪而不危抗，竊有窺者，見兩龍，狀梁翼，船迅若電逝，未曉到舍。」伯達聞已西，范豺有道，訪之。豺約往辰溪，聽河上公講易。豺乃閨中久住，支江百里洲，修太平無爲之道。臨日噓嗽，頃有五色光起，冬夏惟單布衣，恒溫時頭已斑白。至是狀貌不改，能知吉凶。雖萬里外如指掌。或問先生是謫仙耶？豺曰：「東方朔乃黠於我，我小兒時數與狡獪。又云：武王伐紂，洛城頭戰前歌，後舞我猶見之。人亦未盡信。」帝聞而召見，答詔。

稱我而不稱臣時劭為太子豺從東宮過指宮門曰此中

正是前知

有博勞鳥奈何養賊不知帝心忌之勅豺自盡江夏王義

○義恭

○陳忠

恭命埋新亭赤岸崗側既而劭所為凶暴因憶豺言發棺

已無屍乃木悔越明年豺弟子陳忠夜起忽有光如晝見

豺入門就榻坐云比復還東鄉善護我宅

即百里洲一老翁後

至豺起迎忠問之曰馮道長須臾俱出門豺復與二弟子

跨三鳳毛羽炫爛音聲諧和遊丹陽都城之南百姓集觀

豺曰北方將靖南土宜作脩矣振羽而起復入廬山是歲

南北朝

魏伐涼牧健乞降

北涼三主共四十三年時雖宋魏二國為南北朝焉

先是北涼有

劉演

劉師者名演字摩訶云是漢初人始入道註金碧經今復

北魏

太平真君

元大行

歸釋洞曉經律深入禪要占記吉凶悉驗蒙遜時西求仙
 學道經肅州衛止治小草菴合掌而入皇繫其徒茶毘之
 骨化為珠血化為丹衆為立祠於示寂之所祈禱者往往
 獲珠丹藥火火滅祈雨雨降禱病病瘥遠近爭奉魏主亦
 使人祀之明年庚辰魏取寇謙之神書之文改元太平真
 君魏主初得謙之重禮事之尊為上清道士羣下咸稱天
 師教度後學無算問得傳何人謙之曰魏滅元大行也復
 問太師既抱道法而何不聞於世曰嘗學法於豫章吳真
 君謂其行道宜晚故深隱不顯辛巳七月七日謙之以玉
 匣緘陰符素書藏於五嶽名山留傳後世好道之人時四嶽皆

在魏境唯南嶽以霍山代之

明年春忽謂弟子曰昨夢成公興召我於

中嶽仙宮遂羽化有青炁如烟從口中出天半乃消其體

漸長至八尺三寸三日後復縮僅六寸許舉國驚異將卜

葬之經七日尋屍不得識者謂尸解之上七年崔浩勸魏

主盡誅沙門謂捨王道而尚異端滅倫毀體盡從之凡塔

廟經像無復子遺沙門遠竄已丑使崔浩高允撰國記北

人譖浩暴揚國惡有司按浩夷其五族以允贊直赦之浩

未收時夜有神人降其庭曰司徒何在家人驚告於浩神

曰大難至矣浩問所由請其姓氏曰吾安期生也子奈何

以偏執之見戮及無辜釋迦悲念華夏塗炭是以令諸大

田高允

孰謂崔浩

智子房恐

不如是

安期原是
崔氏之祖

迷
爲僧以所

弟子行化將來治世帝子亦係西來。且子得奉陰符當究其理。憫子殃波通族特來相救。浩笑謝安期歎曰子有好爵更晤於恒山也。國門始啟而去。日脯即有收者人家執浩及僚屬僮吏凡一百二十八人盡戮於市。浩魏遊蕩後遇安期招問其惡起如何浩泣曰臨刑時如熱油灌頂飛走三千里今猶日受其苦安矣曰所謂已所不欲勿施於人子自招致也賴好道有歸因引入兆嶽潛修。宋聞魏誅浩遂經畧中原爲魏所敗。江兆赤地無餘燕歸巢於林木。先是竺道生在廬山鑽研諸經不辭疲倦幽棲七年遠公歿往長安從什公受業器鑒日深論辨精敏。閑中僧衆欽服若神。後返江南遊虎丘山。泠然若有會心處。遂棲迹焉。常獨坐長松下別無所接。乃

人而不
如石乎

聚石爲徒與之說法。一日講誦涅槃經至闕提亦有佛性處曰如吾所說果契佛心否。豎石亦爲點頭人始異之。帝

聞其名親往禮問。因大會僧衆施食。子爲天食朝菩薩午爲人食晚鬼殮

自古重瞳者爲大聖爲霸王爲高隱。非曰存乎。矐子亦存乎。方寸之間。聞舜重上下羽重左右。未知陸重何似。

晉未惟靖節一人。居亂而氣豪。一世由其不危言也。

和神一段見於擾攘之際。蓋仙佛厭苦殺奪。故特借古

說示以妙境。使傳於世。消其紛爭之毒耳。若人能平心

下氣。何地非和神國乎。

雍伯至孝。得仙。須知大道在邇。以石種玉。世無此理。能

有信心。使是道器。

中內三家缺。如鼎之折足。浩見偏勸誅沙門。殆盡國

可望其立乎。後致君臣慘禍。得非佛氏有靈。

伯達之諫義。季爲民也。范曄之識。子劭爲國也。值此高

人而不勤求治道。宋人可謂無目。

崔浩恣恣微名。安期援引不悟。虎丘禪石。猶覺勝之。

○蕭氏應期生帝子

○陶家世德謫真仙○

僧律日過中即不食帝曰始可中耳生公曰白日麗天夫

言中何得非中即舉箸而食帝大悅後建亭曰可中是夏雷震青

園佛殿忽見一龍飛躍昇天光影四壁識者曰龍去生公

必行矣數日道生果復還匡廬遺影落於虎丘巖岫問元

嘉十一年升法座宣講涅槃將畢謂眾曰記取廬山真面

目再來莫作廣陵人忽見拂子紛紛墜地遂端坐而逝廣

陵張定者童幼時入學中起早天寒月曉獨行百餘步一

道士行甚急顧見之立而言曰此可教也因問子何好答

曰好長命耳道曰有仙骨來道必成且教汝變化之術勿

弗且專登志便奇卷十二第九節

與後胡媚
兒同街皆
量公之派

泄於人十年外吾自迎汝即以口訣授之定謹誦小心於
家甚孝同父母往漣水省親至縣有音樂戲劇父母曰戲
甚盛親表皆去汝何獨不往定曰此有青州大設亦可觀
也即提一空水瓶可受二斗置於庭禹步繞二三匝乃傾
於院內見人無數皆長六七寸官僚將吏士女看人喧闐
滿庭局筵隊仗音樂百戲樓閣車棚無不精審如此日
至夕復側瓶於庭人物車馬邐迤俱入瓶內父母取瓶視
之仍無一物每見圖障屏風有人物音樂者以手指之皆
能飛走歌舞言笑趨動與真無異問從何學答曰師姓葉
海陵以神仙已錫昇天之道約在十年今七年矣辭家人

宗愛

賀源

魏濟文

成帝

順安

劉劭

南北氣應

富人

天柱潛山臨去曰若有意念兒自歸家無深慮也自後念

之即還尋復飛去元嘉十二年定歸曰十六年後廣陵為

瓦礫場矣可移家海州以就福地留丹二粒與父母自此

不復歸其父母遂居海州服至是江北大為魏兵殘破始憶

定言而僧眾亦悟生公所記都民念及跨鳳者所言皆驗

因築臺於其地鳳凰臺壬辰魏中常侍宗愛弒其君肅尚書

賀源陸誅愛立皇孫濟為高宗文成改元興安癸巳宋主以太子

劭凶頑欲廢不決劭乃弒帝自立帝在位三十年壽四十七時有蠻人

入武陵山射鹿鹿奔避石穴中蠻逐之穴傍有梯因上登

顧豁然開朗別有天日桑果蔚然阡陌平直行人相謂曰

弗且專登卷十二第九節

宋孝武

帝駿

孝建

魏

興光

宋

大明

馬榮

王氣所在，那能來此。似有驅執狀，蠻懼而遽出。旋削樹記路，結伴尋之。無復處所。是夏，武陵王駿文帝第三子誅劭自立。

世祖孝武甲午改元孝建，魏改元興光，丁酉宋改元大明。北魏多病癩者，有馬榮住梁

國穀城中。兩眼赤爛，瞳子如不見物，而能明察洞視。善治

病。凡病癩，不容於鄉里者，悉來投榮為治之。悉差。榮常云：

「忠脚每乘鹿車，無遠近不見人牛推引，而車自至。」或一日

過數十處，請各有一榮，亦當游於江南。凡與人言，自稱厄

子。作牽三詩，類乎讖緯。於孝建二年三月初，作書與兩國

人別，言欲往南陵訪韓君耳。至十六日中時，遂卒。鄉人共

殮之，如委蛇焉。南陵冠軍韓越心慕神仙形類，狂愚隨歸。

臺將

越妻

魏

和可

文廣通

長齋誦詠口不輟響常著屐入山或百日五十日輒還家
 人問越未嘗實對後鄉人所本於大陽山絕崖石室中見
 越與六人讀經越後還密村暴亡家人往發屍葬覺棺
 輕疑非真屍發視皆竹杖大明元年越之鄉人爲臺將北
 使於青州於南門遇越容貌益少共語移時訪親表存亡
 悲欣疑然越云吾婦患嗽未差今寄與藥一累令溫酒頓
 服臺將問將何往曰馬道長招我同往衡山遂別去臺將
 還都番下具傳越言越婦服其藥即飛身仙去時戊戌秋
 也庚子魏改辰溪縣滕村沂良州百里居民文廣通以元
 嘉已丑見野豬食其稼舉弩射中之流血而走循血蹤至

天齊山越數里入一穴中行三百餘步豁然明曉有數百家居止視所射猪已歸村人圈中一隻雪髯持杖出門云非射吾猪者乎文曰猪來犯僕翁曰奪蹊田之牛罪亦重焉文遂稽首謝過翁曰過而知改是無過矣此猪前因宜有其報呼文至廳上見十數書生皆冠章甫服縫掖有博士獨一榻面南談老子西齋有羽衣烏幘十人相對彈一絃琴五声自韻翁呼童子酌酒設客文飲半酣四體怡然便覺不能觀其墟陌人事不異外間徘徊欲留翁遣小兒送出令堅閉門勿復令外人來也文辭行問兒何爲答曰彼西齋賢避夏桀難來此廳上書生輩奉上帝命先後

顧顗之

蔡興宗

范蔚宗

來聽講易經獨坐談老子者河上公也僕乃漢末山陽王

輔嗣昭至此請問滯義初撥掃門於茲十紀始蒙召進受

易得預門人之列間令守門候客文問南北氣運王曰北

方一而長南方五而短問當今人物王曰魏之高允鯁直

所向皆祥為世之直神故官祿而壽官中書令其後子孫

昌大宋之顧顗之守分命論蔡興宗端恭亦一時正人也

送至洞口慙慙復言後期文出見弩已朽斷初謂少頃已

踰十二年家中成喪訖久聞其歸舉村驚疑明日與村人

尋至穴口見巨石塞住燒鑿不可為攻焉宋主奢欲無度

惟潭興宗方嚴不敢戲蝶宣成守范蔚宗負罪坐誅家有

弗且專登

卷十二第九節

○雲遷

△路太后

△徐文伯

不媿家傳

△宋主業

曰永和

壽寂之

△宋明

或

太始

口魏顯祖

弘

△馬太后

天安

魏

皇興

蕭道成

十二喪交知無敢近寧國釋曇遷雅與范善乃悉力營葬

義僧

華莊

宋主義之路太后有疾衆醫不識有薦錢唐徐道度子文

伯晚精世業高邁倜儻應命入宮診視出曰此石搏小腸

也乃爲水劑消石湯進服即愈除鄱陽王常侍賜以千金

大明八年宋主祖在位十一年子業立明年改元景和賦性狂暴

近侍壽寂之弑之立湘東王或文帝第十一子爲太是歲

魏主濬子立顯祖戲文時年十二馮太后稱制丙午建元天安得淮北

淮西復改皇興宋遣蕭道成鎮淮陰字紹伯何三母夢叱石道

人與曇華一株及覺遂生肩有赤痣如日月狀太始七年

散人爲中魏顯祖好黃老浮屠之說每引朝士及沙門

魏孝文帝
延興
慮原

宋

泰豫

廢帝景

元徽

孔乘

袁粲

褚淵

劉秉

共談玄理雅
難得。

富貴時位子宏

生足歲高祖
孝文建元延興宋主亦好

佛道竹園寺

廢隆壯麗帝曰是我大功德侍郎虞愿

曰此皆百姓賣兒貼婦錢所為佛者有知當慈悲愍罪

執直可欽

高浮圖何功德之有

千子改

帝得疾沉重而殂

在位七年

子昱立

為廢帝

年十歲

癸丑改元元徽魏以孔乘為崇聖大夫

魯國人孔

世孫甲寅宋以道

成為中領軍與袁粲褚淵劉秉更入決事

號四貴明帝時

有宮人患腰痛牽心每動輒氣絕眾醫以

為肉癥投藥無效召文伯視曰此髮癥以油飲之即吐得

物如線稍引之長二三尺頭已成蛇能動掛門上血滴盡

乃一髮也宋主亦善診逢一娠婦診之曰腹是女召文伯

弗且專

卷十二

五

生

女伯大過故不得仙

診曰有兩子一男一女男左邊青黑形小於女帝欲剖視

徐惻然曰請鍼之立下瀉足太陰補手陽明雨兒相續出

果然帝素忌道成道成憂懼密與褚淵表粲謀廢立粲厲

色不從道成遂弑昱立姜成王準為順帝丁巳改元泰和粲與

劉秉謀誅道成淵以告道成遂攻粲長子勗以身衛父俱

死少子勉乳母抱投所厚門生狄令慶狄出首來捕乳母

呼天曰鬼神有知將滅汝門與勉同死於難勉常騎一耗

犬為戲忽奔入狄家通令處咬斷其喉復入內室盡殺其

妻子時人稱快東父子亦死荊州刺史沈攸之移檄討道成死

之山陰小靈產孔子二十大仍家罷晉安太守隱迹禹井

宋順帝

昇明

魏

太和

袁粲

袁粲

乳母

狄令慶

獸犬

回沈攸之

孔靈產

孔珪

江淹

張景陽

丘遲

齊高帝
道成

山頗解星文、攸之兵起、道成往問、璽產曰、以天時冥數觀、無能爲也、果驗、遷爲光祿大夫、以麓盛上璽臺、令其占候、曰、時已至、道成贈白羽扇、素隱几、其子珪亦多令名、戊午歲、進道成大、傳假黃鉞、叅軍江淹初於孤山夢、神人授五色筆、一叟授錦一匹、由是文藻不索而得、及還兵石城東、夜宿、見一美丈夫、自稱郭景純、曰、有筆在公處、淹探囊還之、爾後絕無佳句、爲宣城守罷歸、泊禪靈寺渚、夢叟謂曰、吾張景陽前有匹錦相寄、可見還淹、探囊得數尺、張恚曰、那得割截都盡、顧見丘遲曰、即以遺君、自此遲才進淹文、蹟矣、已未春、道成爲齊王、未幾稱禪、即位、廢宋主、尋弒之、

建元

宋共八主。改元建元清儉寡欲。每曰：使我治天下十年，黃

金當與土同。價壬戌四月，病羣臣請禱。褚淵極言：鄱陽張

八代師

氏靈異，回久辟穀，日行數百里。後入青城山，不知所終。子

張迥

迥，字彥超，丰姿俊美，德量天成。應召禱，訖問其道。師曰：寬而

不刻，寬則得眾，得福；刻則無後，無壽。齊主沸然，淵贈以金

帛，不受。辭去，謂弟子曰：君臣得國甚慘，當相繼絕矣。是歲

齊武帝

果殂。壽五十四，葬泰安。子曠立。世祖武帝癸亥，淵病死。冬

永明

高太后

九代師

張符

十月，熒惑逆行，行人太微，有司請禳。高太后遣內官賁信香

往龍虎山祈禳。師迥已解化。去年九月，異香彌月，馥郁。子符

信，字德端，肅明達，經錄尤顯於時。謂使曰：不在北陸，務防宗

墨華尊者

葛陽尊者

蕭道賜

蕭順之

張氏

蕭簡

鄰氏

范雲

蕭琛

任昉

王融

謝朓

沈約

陸倕

子良

陶弘景

姓歸報上下周知所以初釋迦知赤松達墨華尊者於蕭

氏遂命葛陽尊者往南以踐前言托生於蘭陵蕭家祖道

賜仕宋為南臺治書父順之齊帝族弟封臨湘侯居秣陵

仁慈長厚妻張氏有娠行於庭見菖蒲生花採吞之生一

子掌有武字乳名練兒長名紉好籌畧娶鄰氏名徽衍與范

雲蕭琛任昉王融謝朓沈約陸倕為竟陵王子良賓客號

八友武帝不豫子良啟進沙門於殿戶前誦經帝感夢見

優曇鉢花降案上病遂瘳沈約少患內熱而瘦書齋夜雨

見一株立庭中掉天絲約揖入以絲織衣衣約疾漸愈壬

申三月諸王侍讀陶弘景脫朝服掛神武門上表辭祿弘

弟且傳登卷一第九節

七

陶濬

景字通明丹陽人吳母初娠夢青龍出懷并二天人降手

陶母

執香爐母覺語左右曰孕當男子是非凡人但多恐無後及生而標異聰識博達四五歲恒以荻為筆畫灰中學書十歲讀葛洪神仙傳便蓄意養生每言仰觀青雲白日不覺為遠有乘霞馭龍之志長長七尺七寸神儀明秀朗目踈眉長額聳耳耳各七十餘毛出外寸許右膝數十黑子作七星又讀書萬餘卷一事不知以為深耻善琴碁工草隸精騎射年十七與江敷褚炫劉俊為昇明四友仕齊為奉朝請歷傳諸王雖在朱門閉影不交外物唯以披閱為務朝儀故事多所取焉年二十餘稍服食就興世觀主孫

江敷

褚炫

劉俊

遊岳學道遊岳曰昔逢修靜今見陶生弘景咨票經法精

行道要弘通幽洞微乃拜表解職答詔優異賜與隆厚敕

所在月給茯苓五斤白蜜二斤以供服餌之需公卿祖之

於征虜亭供帳甚盛止於句容茅山之積金峰下句曲東通林屋

華陽隱居

北通岱宗西通峨眉南通羅浮周迴一百五十里名金陵華陽之天自稱華陽隱居尋訪大

藥每經間谷必坐卧吟詠各施諸藥遠近從遊甚衆義興

蔣負

蔣負與一陵薛彪之為外交有志棲託亦結宇中茅日

薛彪之

就弘景論經典藥術明年朝議欲迎往蔣山時蔣王進帝號懇辭

得止然勅命飽賚恒為繁極潛光隱耀內修秘密深沉所

詣遠屬靈人感而遂通矣癸酉十一年武帝殂年四十五西昌

齊主 昭業

侯鸞高帝兄子立太孫昭業甲戌改元隆昌鸞殺昭業追廢鸞立新安

隆昌

王昭文改元隆昌延興鸞假太后令自立高宗明帝惡尚書令王晏

齊主 昭業

威名收誅之晏有外弟阮孝緒字士宗性至孝高潔不附

齊主 昭業

權貴母疾甚醫言須生人殺庶療此疾舊傳陰長生北來

齊主 昭業

移種於鍾山孝緒遂入山徧歷幽險不得慟哭拜禱忽一

阮孝緒

鹿如導引者隨至一處得數十莖歸煎以奉母服之即愈

孝緒常屏居一室高品非定省未嘗出户大中丞任助望而歎

石鄱陽 鏘

曰其室雖邇其人則遠初鄱陽王鏘慕其賢命駕造訪王如

二阮妃

即其妹孝緒鑿垣而遁見王晏專恣嘗食醬美問知得於冥

冢吐而覆之聞謝朓在當塗奉母待授後晏敗入為之懼

謝惠連

張岳

藥王

顧歡

孝緒曰親而不黨何懼之有眺與從弟靈運惠連稱三謝

築室青山下常着屐登遊司空張岳音節亦隱於長沙溫泉

山修道全家持三百大戒齋供僧道葛稚川假以遍身搔

痒索酒為浴浴訖身如凝脂舉臂飛去岳令家人盡吸飲

之輕健異常復遊浮丘山訪公煉丹處遇一張氏之師浮丘道者自稱藥

王授以丹訣還煉丹成有鸛鶴下迎闔宅仙去嘗於山南

後名治藥池產龍鬚菜味鮮甘日未出浮生水面日出則沒潔心采之則得雜以蘆腥則無味名其山為司空岳

嘗降鹽官顧歡家講道歡字景怡七歲時父使田間驅雀作

黃雀賦而歸雀食殆過半父欲撻之見賦乃止家貧無書

每於舍後聽人誦讀悉記無遺忘與張岳弘景往來以無

為為宗事黃老道解陰陽術講道德置易經明理身之道
以除人邪病齊主辟之不超賜塵尾素琴後自刻曰擇時
而化令葬麗剎山未幾有見其束裝北行云將觀光上國
也時北魏制禮作樂修堯舜禹周公孔子之祀改謚宣尼曰文聖尼
父聖王不作禮樂壞夷狄有君祭祀興

馬榮韓越的係謫仙若張定者亦必有所從來


極頂聰明仙家尚嫌魯鈍齊天山講易點出輔嗣特為

世之自負者一唱齊梁應運之主俱自西來而不免殺奪豈積習相沿而

然耶於此不能無慨負白素與梁主為友窺其異志乃先事而去知機其抑

乎

張昇之仙不如孝緒之孝蓋昇之仙蹟冥冥而阮之孝行昭昭也



示事

術講道

之道

以除人邪病齊主辟之不起賜塵尾素琴後自刻曰擇時
而化令葬麗剎山未幾有見其束裝北行云將觀光上國
也時北魏制禮作樂修堯舜禹周公孔子之祀改謚宣尼曰文聖尼
父聖王不作禮樂壞夷狄有君祭祀興

馬榮韓越的係謫仙若張定者亦必有所從來
極頂聰明仙家尚嫌魯鈍齊天山講易點出輔嗣特爲
世之自負者一唱
齊梁應運之主俱自西來而不免殺奪豈積習相沿而
然耶於此不能無慨
負白素與梁主爲友窺其異志乃先事而去知機其抑
乎
張鼎之仙不如孝緒之孝蓋岳之仙蹟冥冥而阮之學
行昭昭也